

Ebigendererwa Omukaaga Eby'okukyala Kwa Gabulyeri Eri Danyeri

Jeffersonville, Indiana, USA

Julaayi 30, 1961

1 Wabula nneewuunyizza ku...ku Iw'abatiini baffe abato amakya g'olwaleero, abato bano, nga bwe mumanyi, "fefe" ne "fifi", abato, abo...nga bwe mumanyi, egyo emyaka ekkumi n'omukaaga. Ate bajja mu kkanisa, nga bwe mumanyi, ku Iwa...Abawala abato, ab'emyaka nga egyo, baba baagala okulabika obulungi, nga bwe mumanyi. Bo, mukimanyi nti, enviiri zaabwe nga z'amayengo wonna, ku mutwe waggulu; nnabeetegerezza, nga mbuulira, zaabadde

zigwa zikka wansi, nga zigwa zikka wansi. Era oluvannyuma Iw'akaseera akatono, baabaddde bazifuuwa okuva mu maaso gaabwe, nga amayengo geezingulula.

2 Muwala wa mwannyinaffe Downing omuto, era-era nnamwetegerezza. N'omuto-omuto-omuto...oli omuto owoow'oluganda Collins...Y'ani erinnya lye? Omuto...[Omuntu omu agamba nti nti, "Betty." -Omuk.] Betty, Betty omuto. n'okuseka nnesekereeddemu kko. Wabula nnalabye bona abalungi, nga bwe mumanyi, nga bona beeterereezza bulungi, era olwo, butereevu ne kiba...

Kale, muweebwe omukisa, abaagalwa, muli babalagavu, gyendi, mu buli ngeri. Kituufu ekkyo. *Obubalagavu*, kwe-kwe kuba n'omwoyo omulungi ogunayaayaanira okujja n'otuula mu nkunjjaana bwe zityo, era n'owuliriza Enjiri. Ekkyo kye kifuula omuwala omubalagavu. Ate era ndowooza nti n'omulenzi yenna owannamaddala, agwanidde okuwasa, alowooza ekintu ky'ekimu ekkyo. [ow'oluganda Neville agamba nti, "Amiina." -Omuk.] Weebale nnyo, ssebo. Ekkyo kirungi. Waliwo akkaanyizza nange. Ekkyo, ekkyo kituufu. Kale. Nzirkiriza nti ago ge Mazima.

3 Kaakati tekyewuunyisa ekkyo? Njenze butereevu mu kitabo kya Danyeri 9 olubikudde Bayibuli yange. Kaakati, ntera okugamba buli omu, obuteeyambula makooti gaabwe, nnaddala abo abalina ebituli mu ssaati zaabwe, kale nno ka nsuubire nti n'eyange terina. Naye-naye nnali mbaddeko mu kiseera we nnali sisobola kugiggyako, nga nnina ekituli mu ssaati, mazima ddala bwe kyali. Naye ndowooza eno terina.

Kaakati, oh, nze ku Iwange, ffe...Era nzirkiriza ku Iw'ekibiina nti, tusiima Okubeerawo kw'Omwoyo Omutukuvu amakya g'olwaleero.

Era tusiima okussa ekimu n'okubeerawo kwaffe fenna awamu. "Nga kiwoomu, era nga kirungi, nga kisanyusa, abooluganda okutuula awamu mu kukkaanya.

Kiringa amafuta ag'omuwendo omungi agaakulukutira mu kirevu kya Aloon, okutuuka ku kirenge ky'ekyambalo kye."

4 Nnagenze wali okulya olwaleero, erudda wali ku wooteeri ya Blue Boar, era ani gwe nnasanzeeyo, nnasanze Ow'oluganda Bill ali wano, ne mwanyinnafe Dauch atudde wali, nga-nnga balya enkoko ekyasinzeeyo okulabika obulungi, gye nnali ndabye nga nsiike, era nga bali mu kiseera ekirungi ennyo ddala, nga bali mu kugirya mpola mpola, nga bwe mumanyi. Ne nnyambuka waggulu ku mwaliiro oguddako ne nsangayo abantu b'ekkanisa abawerako eyo, ate baabaddde baagala na kunsasulira ky'eggulo. Kati ekkyo kyabaddle kirungi nnyo ddala, nkisiima nnyo.

Bwe nnatuuse eka, Billy n'andeetera bbookisi y'enneyanya omuntu omu ze yabadde andeetedde, okuva ewala eri awaweweetu obulungi, mu ssaza lya Georgia wammanga eyo, obudde gye bubeera obuweweetu, mu kiseera nga kino, nga bwe batera okunjambala.

5 Awo ate, ne nsanga omusajja omutono wabweru. Nnabaddle nva mu kusisinkana bantu, akawungeezi ka leero, era nga nzirkirira ku kkanisa essaawa nga emu n'ekitundu eziyise, era omusajja oyo omutono...nga alabika, ng'akyali omuto, wabweru, n'agamba...ne mmugamba nti, "Obudde bwokya."

N'anjambla nti, "Ddala bwe kiri!" Ne mmanyia nti ava Georgia, kuba bwatyo bwe yayogedde nti, "Ddala kituufu obudde bwokya nnyo wammanga eyo e Georgia!"

Kale ate, tugezaako okutoloka ekifo ekirala ekyokya okusingawo, Si bwe tuli? [Ekibiina kiddamu nti, "Amiina." -Omuk.]

Ekkyo kye kituleese wano.

6 Mwebale nnyo ddala, mikwano gyange, olw'obulungi bwammwe bwonna. Nnandikoze ntya we mutali? Ddala-ddala nnandikoze ntya we mutali? Singa ssaalina muntu anjagala, tewandibadde awuliriza na Bubaka, temwandibadde kirungi kyonna mu Bubaka bwange bwonna. Sisobola kububuulira miti gya ssimu n'emiti emirala gyonna. Tegyandibutedgedde. Kale balina kubbeera bantu nga mmwe mwenna, abanajja ne mu buwuliriza. Ate bwe mujja ne mutuula mu kifo ekyokya bwe kiti, nga kiri...Mukyala wange yanjambye nti katono asiriire emabega eri, enkyia ya leero. Ate n'olaba abantu, ebiseera ebimu nga abantu abo balwadde, nga batudde mu nkunjjaana ezo bwe batyo, okusaba kwange kuli nti, Katonda Abawe a-amaka amalungi ddala, ageesiimissa mu Kitiibwa. Kati nsuubira busuubizi n'okumwesiga nti Ajja kukikola ekkyo.

7 Kaakati, ka tulabe. Ekkooti yange, waliwo agitutte erudda awo. Era nno nnina okusoma okutonotono ekiro kya leero. Bameka abaanyumiddwa ebitundu bya kino ebyasoose? [Ekibiina kiddamu nti, "Amiina,"- Omuk.] Oh, kale singa obudde bubadde tebwokya bwe buti, twandyeyongeddeyo bweyongezi mu maaso okuyita mu wiiki yonna, ne-n'ekitabo ky'Okubikkulirwa. Kale nkyagala bwagazi. Mbeerawo bubeesi mu Kyo. Era munsabire, bwe mutyo, nze, wiiki eno, kubanga Ssande ejja Nze...Mukama ng'Ayagadde, nnina okusisinkana kiri, eky'okusengeka wiiki ezo obulungi. Ate ekkyo ky'ekintu kye sirina kye nkimanyiko. Kale bwentyo njenda kwesiga bwesizi Mukama nti Ajja kunziramu.

Era n-nsomye ebintu by'abasajja abenjawulo abawerako abo nga-nга baakyoyerako, era nga baakiwandiikako. Nsomye ku biwandiiko bya Dokita. Scofield, Omusomi ow'amaanyi, naye amazima ddala nga ssikkaanya naye, ku biwandiiko bye ebingi, kubanga sibitegeera. We... Kirina-kirina okuggyayo ekifaananyi obulungi.

8 Kaakati, bw'oba ng'oli mu kugatta butundutundu bw'akakunizo, ekisooka omanyi, ogamba nti, "Oh, kino kigenda waggulu *wano*."

Nedda. Nkakasa kino kigenda *wano*."

Kale, nno olina okuba nga okebera wano awali ekifaananyi eky'okulabirako, osobole okulaba ky'okola. Awo nno bw'oba-bw'oba nga tokikoze ekkyo, ojja kutabulatabula endabika y'akakunizo ko.

Kaakati watya nga okubye...ng'olina ekifaananyi ky'omu kyalo awantu awamu nga kya kitalo era nga kirabika bulungi, nga ku kyo kuliko ente nga eriira omuddo waggulu ku muti? Kaakati, ekkyo tekyandibadde kituufu (bwe kyandibadde kityo?), kubanga ente omuddo teguggya waggulu ku muti. Kale nno, bwe kityo bwe kiba, Omwoyo Omutukuvu bw'Atakwata Byawandiikibwa ebyo wamu okubisengeka obulungi, gyoli. Awo, oba ofunye ekifaananyi ekikulu eky'obununuzi mu bujjuvu. Ekkyo kye twagala, Amazima. Era okutuusa nga tutegedde Amazima, tujja kukireka bulesi awo. Ate era, Katonda bw'Anaatuwa Amazima, kale, olwo nja kukyoyerako.

9 Mumanyi? Ndowooza ow'Oluganda Roy Slaughter ne-n'abamu ku bakadde wano, abo abamaze ekiseera ekiwanvu okuva lwe baatandika...Waliwo kyenkana, ndowooza, nga nnaakamala emyaka esatu obo ena mu buweereza bwange, wano wennyini mu kunjaaniro lino, nnali sisobola na kubuulira ku ky'okuyigako ekya ggeyeena, Kubanga n-nnali sikkakasa obo kyali kifo ekyaka n'omuliro, obo yali ntaana. Era buli ekigambo lwe kyayogeranga nti, *ntaana*, nga nfunu okuvvuunula, nti, "Magombe." *Magombe* ye "entaana." Buli mulundi lwe kyayogeranga ku ggeyeena, "Magombe, entaana." Kati nnakireka bulesi awo okutuusa lwe nnazuulira ddala ekkyo kye nnali njogerako, olwo ne mbuulira ku ggeyeena; kale bwe nnali nzudde, ekifaananyi ekijjuvu, nga ndabye ne wa we kyali. Kubanga, nze nkitwala nti omuweereza avunaanyizibwa eri Katonda, ebyo by'abuulira abantu nga bakuŋjaanye, kubanga bagenda kwenywerezza ddala ku ebyo. Ate era, olwo, watya nga mbaleetedde okunywerera mu kifo ekikyamu, era ekiseera ne kituuka ng'empagi eyo tekyayinza kuyimirira? Mulaba? Era ne mu kwolesebwa kuli Mukama kwe Yampa, gye buvudde, obukadde obwo lwe bwa...Ku olwo Oyo Ayogera Nange lwe Yanjamba nti, "Ggwe ajja okusooka okulamulwa, N'Enjiri gy'obuulira."

Ne nziramu nti, "Mbuulira by'ebimu Pawulo bye yabuulira, nga n'abalala bona."

Era nnamungi w'obukadde bw'amaloboozi ne galeekanira waggulu nti, "Twesigamye ku ekkyo." Kyali kityo. Mulaba? Kale.

10 N'olwekyo njagala kweyongerayo ekiro kya leero, kati, naye tetujja kulwawo. Era kaakati temwerabira...Kaakati, enkyo ya leero...nnina ebiwandiiko ebitonotono wano. Enkyo ya leero nnayogedde ku Danyeri mu buwambe, Gabulyeri nga Ajja gy'ali n'Amulagirira ku by'omu maaso eyo gye bujja. Ekkyo kye twabaddeko enkyo ya leero, Endagiriro ku by'omu maaso.

Kaakati, ekiro kino, tugenda kwogera ku *Ebigendererwa Omukaaga eby'okukyala kwa Gabulyeri eri Danyeri*. Ssande ejja, Mukama Ng'Ayagadde, kija kuba okuteeka wiiki ensanvu, wa awatuufu we zirina okutuukirira, mu biro byazo. Era naffe tuli wa kaakano? Kaakati, singa tunaasobola okukifuna ekkyo kyokka era ne tukikakasa, nga ky'ekituufu, awo tujja kuba nga tutegedde essaawa ki mwe tuli.

Kaakati, ffe tetujja kumanya ddi Iw'Anajja; teri n'omu ajja kukimanya ekkyo. Ne Yesu takimanyi, ye Mwene. Yakyogera nti teyakimanya. Yagamba kimu nti Kitaffe, yekka, y'Akimanyi ekkyo. Ne Bamalayika nabo tebakimanyi. Tewali n'omu ku ffe amanyi ddi Iw'Alijja, naye tusobola okulaba e-essaawa eyo...ekiseera mwe tuli, nga tumanya tuluseemberedde kwenkana wa okulutuukako.

11 Kaakati, nga tuddako katono emabega, kubanga abalenzi bakwata entambi ku kino...Ebyuma biri mu kutambula mu kisenge emabega. Ate nga entambi, mu butuufu, ziweerezebwa ebweru, buli wamu.

Kale nno, ku ky'okuyigako eky'amakya ga leero, oluvannyuma nga tuzeemu okuyita mu ssuula ey'okuna n'essuula ey'okutaano, olwo twakomye ku...okutandika n'essuula ey'omwenda eya Danyeri. Era kaakati, ekiro kino, tugenda kweyongerayo mu maaso n'essuula ey'omwenda. Nga tetunnaba

kugikwatako, ka tukoteke emitwe gyaffe akaseera katono twogere n'Omutandisi w'Ekigambo.

12 Katonda waffe omusaasizi, tukikakasa nti Ggwe Omanyi ekigendererwa ekituufu eky'emitima gyaffe. Omanyi Iwaki tuli wano. Era Okimanyi nti ekiro kya leero tetuzze lwa kuba nti twakirowoozezza nga ky'ekifo ekirungi we tuyinza okuja, ne tufunirawo akaseera ak'okuwummulumu olweggulo. Kitange, sikkiriza nti wano waliwo omuntu yenna eyazze olw'ekigenderwa ekyo. Nzirkiriza nti tuli wano ekiro kino kubanga tuli beesimbu ddala, era ab'amazima, nga twagala okumanya BW'ATI BW'AYOGERA MUKAMA.

Tukwagala Ggwe, Mukama, era twagala Ekigambo Kyo. Era bwe kiba nga kino kifo ky'Otuwadde, okubeera akasolya ak'okutubikkako, wamu n'ebbulooka zino aza seminti, tukwebaza olw'ekifo. Kubanga tukkiriza nti eriyo Amaka ng'osusse obwengula, gye tugenda eyo. Tulowooza ku bajjajjaffe abataalina na mukisa guno, ne kituleetera okukoteka emitima gyaffe mu buswatu, Mukama, n'okuba nti twemulugunya.

Kaakati, Kitange, tusaba Otubikkulire, Ekyawandiikibwa, ekiro kya leero. Jangu, Otambulire wamu, naffe fenna, nga bwe tugenda mu maaso n'olugendo Iwaffe ekiro kino. Yogerako naffe nga Bwe Wakikolera bali abaali bagenda e Emawo, nga bava e Yerusaalemi. Kiryoke kibe nti, olukunjaana nga luwedde, ekiro kya leero, tunaasobola okuddayo mu maka gaffe ag'enjawulo nga twogera nti, "Emitima gyaffe tegyabuguumiridde munda muffle bwe twabadde nga tumuwulira ng'Ayogera okuyita mu Kigambo Kye!"

Owe omukisa Okusoma. Mukama owe n'okufuba kw'obunafu bwange omukisa. Yasamyia akamwa kange eri ekituufu, era Okabunize eri ekikyamu. Ate Ofune ekitiibwa ku lulwo Ggwe, n'ekitiibwa mu bantu Bo, basobole okulaba essaawa mwe tuli n'Okujja kwa Mukama Yesu okuseembedde. Kuba, tukisaba mu Linnya Lye, Erinnyia lya Yesu Kristo. Amiina.

13 Kati, okuddako emabega mu Byawandiikibwa byaffe okumala akaseera katono, tukizuula nti Danyeri yali amaze emyaka nkaaga mu munaana mu buwambe. Mukiroozeeko! Kaakati, mmwe, abalina empapula zammwe wamu n'ekkalaamu zammwe, abataakifunye enky ya leero, musobola okukifuna ekiro kino. Okuva mu mwaka 606 okutuuka mu mwaka 538. Toola 538 ku 606, ojja kufuna nkaaga mu munaana nga gy'emyaka Danyeri gye yali amaze...nga muwambe; Nga talina kkanisa ey'okugendamu, nga talina na njiri ey'okuwulira, nga tewali kantu konna. Naye yalina ebitabo ebimu, emizingo egimu, omwali obunnabbi bwa nnabbi eyaliwo emabega nga ye tannajja, oyo nga yali-yali Yeremiya.

14 Kaakati, ng'ali mu kusoma Ebyawandiikibwa, yalaba ng'obudde bwali buweddeyo, obudde obwo obw'emyaka ensanvu...Era Danyeri n'obumaliririvu yakkiriza buli kigambo Yeremiya nnabbi kye yayogera. Era njogera kino, eri ekibiina kyange ekiro kya leero: Kitugwanidde tukkirize bannabbi baffe? [Ekibiina kiddamu nti, "Amiina." -Omuk.] Yee, ssebo. Kubanga Ekigambo kya Mukama kyajjanga eri bannabbi. Be Balina BW'ATI BW'AYOGERA MUKAMA. Era nnabbi omutuufu taliyawukana okuva ku-ku kigambo kya nnabbi omulala. Tebalikireetera kwogera kintu kye kitalina kwogera. Bajja kwogera ekkyo kyennyini nnabbi omutuufu kye yayogera. Ekyo kibafuula bannabbi. Kati bwe bafuna ekkyo, era nga olwo balagula ku ekkyo ekigenda okuja, nga bamanyi kino, era nga balina okutya mu mitima gyabwe, sikulwa nga boogedde ekikyamu ekiyinza okuwabisu omuntu yenna. Tetwagalangako kukikola ekkyo. Twagala okukakasiza ddala nti tulina Ekigambo kya Mukama nga tetunnayogera nti BW'ATI BW'AYOGERA MUKAMA. Mulaba? Buteekeddwa kuba obubaka obukakasiddwa, nga buva butereevo mu Ntebe ya Katonda, oba si ekkyo tetulina kubwogera.

15 Kaakati, ng'ali mu kusoma Ebyawandiikibwa, yalaba nti emyaka ensanvu gyali giweddeyo. Kale nno, ye olw'okubeera eyo okumala emyaka nkaaga mu munaana, nga wasigaddeyo emyaka ebiri mu maaso ppaka Katonda w'Anaakomyawo abantu Be mu nsi yaabwe. Ng'ali mu kusaba, tukizuula nti waaliwo Malayika omukulu eyakka okuva mu Ggulu. Waliwo omuntu yenna ayinza okwogera erinnyia Lye? [Ekibiina kiddamu nti, "Gabulyeri." -Omuk.] Gabulyeri. Era ye Malayika eri ekkanisa y'Abayudaaya. Bameka abakimanyi ekkyo? Buli wonna, Gabulyeri. Gabulyeri ye mubaka w'ekkanisa, ekkanisa y'Abayudaaya; Yajja eri Malyamu; Yajja eri Zaakaliya. Emirundi gyonna, abaddenga Gabulyeri. Era nga y'Omukku ku Bamalayika abakulu ab'Eggulu.

16 Ate era si ye Yaleeta eri muganda waffe Danyeri okulamusa okw'ekitalo okuva eri Katonda! "Oh, Danyeri, omwagalwa ennyo!"

Ekyo tekyandikuleetedde okuwulira obulungi ennyo, okukirowoozaako nti Katonda Yakwagala? Singa ssaali ayagalwa ennyo, nnandyagadde okumanya nti waakiri ndi mwagalwa waggulu Eyo, tewandikyagadde naawe? [Ekibiina kiddamu nti, "Amiina." -Omuk.] Ddala. Kiringa...Andowoozaako, obw'olumu, kindeetera nze okwagala okuleekaana, okukirowoozaako nti n'okunfaako Anfaako. Era tulina obukakafu nti Atufaako, kubanga, "Bwe twali tukyali boonoonyi, Kristo n'Atufiirira," ow'oluganda. Era, kati, ffe abaali abagwira eri Katonda, kaakati Atusembezza eri Katonda era Atuwadde omusingo gw'obulokozi bwaffe, nga ye, Mwoyo Omutukuvu. Ate nga tulina okukiriza omwo okutusitula waggulu w'ebintu by'ensi, ne tuseeyeeya nga tuli waggulu waayo. Ekyo kya kitalo nnyo. Si bwe kiri? ["Amiina."] Kale.

17 Ng'ali mu kusaba, Gabulyeri yajja n'Amubuuilira, si ekkyo kyokka nti waali wabulayo emyaka ebiri

okuddayo mu butaka bwabwe, naye yamubuulira n'ebikwata ku ntuuko z'eggwanga eryo byonna. Kirowoozeeko! Ebikwata ku ntuuko byonna, buli lugendo olw'oku nsi Iwonna, Gabulyeri Yalutegeeeza Danyeri. Yamugamba nti yali Atumiddwa okumutegeeza ekintu ekyo ekikulu. Nnabbi oyo atekeddwa kuba nga yeewulira atya mu kaseera ako! N'amugamba nti waali waategekebwa wiiki nsanvu olw'abantu be

okutuusa ku nkomerero ya byonna; eyo nga y'enkomerero y'ebiseera, kale ng'olwo kiwedde, enkomerero ya byonna. Yayogera nti, "Waliwo wiiki nsanvu."

Abamu ekyo bakitwala kuba myezi, abamu nnaku, abamu...Huh! bwe kiba nga ddala wiiki, waba waliwo emyaka nga ebiri n'ekimu kya kuna eky'omwaka, oba omwaka mulamba n'ekimu kya kuna kyagwo. Era, mulaba mmwe... Waliwo we tulina okukizuula, okusobola okuba abatuufu.

18 "Wiiki ensanvu zitegekeddwa eri abantu bo." Lwa kigendererwa ki? Ku Iwaki? Bantu baani be zaategekerwa? Abantu ba Danyeri, Abayudaaya. Era zaategekerwa ku Iwaki? Si ku Iwa Danyeri yekka, naye ne ku kibuga kya Danyeri ekitukuvu; mulaba, ekibuga Kya Danyeri ekitukuvu. Kat, ekibiina, ekibuga kya Danyeri kyali ki? [Ekibiina kiddamu nti, "Yerusaalemi." -Omuk.] Yerusaalemi.

Era kati tugenda kutwala, oboolyawo tujja kukikwatako ekiro kya leero: Yerusaalemi kyali wa? Ani yatandikawo Yerusaalemi? Mwali mukirowoozezzaako ekyo? Ani yatandikawo Yerusaalemi? Kyatandikibwawo ddi? Tugenda kukituukako, mu kaseera katono. Ani yatandikawo Yerusaalemi? Owange, nsong ntano nnyo eyekwese mu kasonda awamu, naye nga ddala kikiraga. Yee, ssebo. Ani yatandikawo Yerusaalemi, era kyatandikibwawo ddi? Kale. Ate nno ekyo ky'ekibuga kya Danyeri ekitukuvu.

19 Era tukitegeera nti ekibuga ekyo, ekibadde ekikolimo okumala emyaka enkumi bbiri, kijja kuzimbibwa buto era kikakasibwe buto nate. Era okusinza kw'omu Yeekaalu kujja kuzzibwawo ddala nga bwe kwali ku lubereberye. Kituufu ekyo. Yerusaalemi kijja kuba, kaakati, era wajja kubaawo ssaddaaka, ekiweebwayo nga kiweebwayo buto nga bwe kyali ku lubereberye. Tugenda kuyita mu bisinga obungi ku ebyo, ndowooza, ekiro kya leero, sinakindi ebisinga obungi ku byo.

20 Kaakati njagala mutengeere, ab'emikwano, nti, nga nkubirira bukubirizi ebintu bino, mazima nnina eby'okuyigako ebyandimaze wiiki eziwera bye ndese. Naye mbikwatako katono, kiryo kibe nti obudde bwe bunaaweweeraamu, oboolyawo oluvannyuma Iw'akaseera katono, bwe tuliba nga tuyiga ku Nvumbo Omusanvu, Ebibya Omusanvu, Amakondeere Omusanvu, na bino byonna, nja kuba nsobola okujuliza nga Njamba nti, "Mujjukira ku wiiki za Danyeri ensanvu? Mujjukira omulembe gw'Ekkanisa, lwe yasitulibwa, na kiki ekyaliwo? Era wiiki za Danyeri zino ensanvu zitwaliramu okuva ku kusitulibwa kw'Ekkanisa okutuusa ku kudda kw'Ekkanisa eyo. Akabanga ako ky'ekyo kye kakwatako. Kaakati, Kat, si wiiki zonna ensanvu eza Danyeri: ekitundu kyazo.

21 "Wiiki nsanvu zaategekebwa."

Kaakati, waaliwo ebigendererwa mukaaga mu kukyala Kwe, ng'Amubuulira ebyo ebyali bigenda okubaawo. Kaakati, waaliwo ebigendererwa mukaaga mu kujja Kwe. Kaakati, ekiro kya leero, Ndowooza tugenda kuva wano mu Byawandiikibwa awo ekyo we twabadde enkyo ya leero, awo awaabaddde ebigendererwa omukaaga. Tuutwo awo. Kaakati tukizuula nti waaliwo ebigendererwa mukaaga, ekimu ku byo. Kaakati ka tufune e-essuula ey'okuna, olunyiriri Iwakuna...olunyiriri olwa 24 olw'essuula 9 eya Danyeri.

Wiiki nsanvu zitegekeddwa eri abantu bo...

Kati mujjukire, ezo ze zonna ezikwata ku lugendo Iw'Abaisiraeri lwe balitambuliramu ku nsi kuno. Zaategekebwa. Wiiki ensanvu zaategekebwa. Ekyo kye kyokka ekyaweebwa eri Abayudaaya.

...eri abantu bo n'eri ekibuga kyo ekitukuvu....

N'olwekyo, wiiki zino ensanvu, kati temukisubwa, zija kubikkula okuva ku kiseera ekyo okutuusa ku nkomerero y'Abayudaaya, era ne ku nkomerero ya Yerusaalemi, okutuusa nga wazimbiddwa ekibuga ekipya. Kaakati, oh, ka nsuubire nti ekiro kya leero, tujja kukiyingiramu ebuziba bulungi ddala.

...zitegekeddwa eri abantu bo n'eri ekibuga kyo ekitukuvu,...(Okukola ki?)...okukomya okusobya,...

22 Kaakati kiki kye Yamubuulira? Yali agezaako okuzuula nti kirimala kiseera kyenkana wa. "Mmanyi tuli mu kiseera eky'enkomerero." Nga kaakati bwe tuli, "Mukama..."

Bameka abali mu kibiina kino, ekiro kya leero, abakkiriza nti tuli mu kiseera eky'enkomerero? Muddeemu nti, "Amiina." [Ekibiina kiddamu nti, "Amiina." -Omuk.] Mwebale. Tuli ku nkomerero. Kati tugezaako okuzuula, ku Iwa Katonda, ekiseera ekyo kigenda kuba kiwanvu kwenkana wa. Tuli mu lunaku ki? Eyo y'ensonga Iwaki tuddayo emabega ne tuwanulayo bannabbi bano, n'ebirala ng'ebyo, nga tugezaako okumanya wa we tuli.

Era ekyo Danyeri kye yakola. Yatunuza amaaso ge eri Katonda.

23 Bameka abaasomye Danyeri 9 olwa leero, muwanike ku mikono gyammwe. Kale. Mulaba okusaba kwe, nga bwe yeeneenya olw'ebibi by'abantu be, era n'olwebibi bye ye mwennyini. Yayagala kukakasa nga azuula ddi lwe baali bagenda okuddayo, kubanga yali ayagala okuteekateeka abantu baddeyo.

Kaakati, kye ngezaako okukola, kwe kuzuula ddi lwe tugenda waggulu, era nteeketekee abantu okusitulibwa, abo abeteeseteese. Era naffe tutunuuliza amaaso gaffe eri Katonda, okuyita mu kusaba n'okwegayirira, okuzuula nti, "Mukama, ssaawa ki gye tulimu?"

24 Tulabye ebintu bino ebyenjawulo byonna nga bituukirira; tulaba n'ensi ng'eri mu kavuyo. Tulaba ng'ekiseera kituuse. E...Omukono guwandiikiddwa ku kisenge, buli kintu kyonna Katonda kye Yayogera. Tuwulira omukulembeze w'eggwanga lyaffe ng'ayogera ku lutalo olulala olubindabinda. Tuwulira okuteebereza nti, "Wakati, oh, mu ssaawa entonotono ennyo ng'olutalo luwedde, kiteeberezebwba nti amawanga gajja kusaanawo obutalekaawo kintu kyonna okujako evvu eriva mu muliro." Ate era tumanyi nti tubirina.

Kale nno tumanyi nti, ng'ebyo tebinnaba kutuukirira, Ekkanisa erina okugenda. N'olwekyo, "Mukama, tutuuse wa?" Eyo y'ensonga Iwaki nzikiriza nti Ajja kutumanyisa byonna. Tumutunuulidde okusobola okuzuula. Kaakati, okusooka, ka tuzuule.

Sabbiiti nsanvu ziragiddwa ku bantu bo...ekibuga kyo ekitukuvu okukomya okusobya, n'okumalawo okwonoona, n'okutabaganya olw'obutali butuukirivu,...n'okuyingiza obutuukirivu obutaliggwaawo,...n'okussa akabonero ku ebyo ebyayolesebwa ne ku ebyo ebyalangibwa, n'okufuka amafuta ku oyo asinga Obutukuvu.

Ebyo bye byali ebigendererwa omukaaga eby'okukyala kwa Gabulyeri.

Kaakati ka tutandike, ekisooka. Bwe muba mwandyagadde okukiramba mmwe abalina ekkalaamu. Ekisooka, "Okukomya okusobya," ekyo ky'ekisooka.

25 Kaakati, okukomya okusobya okwa Isiraeri, abaasobya eri Katonda

kujja kuba okuggyawo obutali butuukirivu bwa Yakobo.

Kaakati, kino okukizuula, ka tuddeko mu Abaruumi. Essuula eye 11 ey'Abaruumi, era tutandike n'olunyiriri olwa 21 mu Abaruumi essuula 11. Kati tugenda ku ki? "Okukomya okusobya." Abaruumi 11:21. Kale.

Kuba oba nga Katonda teyasaasira matabi ga buzaaliranwa, (Eyali ani? Isiraeri.)...nyikira sikulwa...nga naawe talikusaasira.

Kaakati, Njagala mmwe, bwe munaagenda eka, musome essuula eno yonna eye 11. Nsoma busomi kino mulyoke...Muwandiike wansi essuula yonna ,era mugisome.

...nga naawe talikusaasira.

Kale laba obulungi... n'obukambwe bwa Katonda: eri abaagwa,...naye eri ggwe bulungi bwa Katonda, bw'onoobeereranga mu bulungi bwe: bw'otoobeererenga...ojja kuwogolwako, naawe oliwogolwa.

Era nabo, bwe bataabeererenga mu buta...bwabwe...bwe bataabeererenga mu butakkiriza bwabwe balisimbwawo: Kubanga Katonda ayinza okubasimbawo nate.

Mulaba, ng'ayogera nti walituuka ekiseera Abamawanga lwe balisalibwako era Isiraeri Azzibwewo nate.

Kuba oba nga ggwe wawogolwa ku-ku muzeyituuni ogwali ogw'omu nsiko mu buzaaliranwa (Abamawanga), n'osimbibwa mu muzeyituuni omulungi obutagoberera buzaaliranwa...

Twali tetukwatagana na buzaaliranwa, abagwira, abataalina kusaasirwa, abataalina Katonda, nga tewali ssuubi n'akatono. Era Katonda, olw'okusaasira Kwe, okusobola okutuwa akakisa, Yasalako Isiraeri omutukuvu olw'okusobya kwe, era n'Abateeka ku mabbali, nga be...Omuzeiyituuni ogw'obuzaaliranwa, n'Asimbamu omuzeiyituni ogw'omu nsiko, ogwali gukontana n'obuzaaliranwa.

...eri omulungi...omuti: tegalisinga nnyo gano, amatabi ag'obuzaaliranwa; okusimbibwa mu muzeyituuni gwago go?

Kale, ka tweyongereyo okusoma.

Kubanga ssaagala mmwe, ab'oluganda, obutamanya kyama kino, mulemenga okubeera ab'amagezi mu maaso gammwe mwekka, ng'obukakanyavu bwabeera ku Baisiraeri mu

kitundu, kyabaawo eri Isiraeri, okutuusa okutuukirira kw'Ab'amawanga...lwe kulituuka.

26 Okutuusa nga Katonda Akomezza enkolagana n'Ab'amawanga, Isiraeri yazibibwa amaaso. Baawabira mu kibi ne mu kusobya ku Katonda, kubanga Katonda Yabaziba amaaso gaabwe, ffe tusobole okusimbibwamu. Mukifunye?[Ekibiina kiddamu nti, "Amiina."-Omuk.] Kati olunyiriri olwa 26.

Era bwe kityo Abaisiraeri bona balirokoka:...

Katonda yabaziba amaaso nga kigenderere ku lulwo ne ku lwange. Tebasobola kulaba, kubanga Katonda ye Yabaziba amaaso. Ate Abaisiraeri bona, Isiraeri eyannamaddala, ejja kulokolebwa. Malayika Yagamba ki? Ekitiibwa! "Okukomya okusobya kwa Isiraeri! Nzize okukutegeeza nti ekiseera kijja okusobya kwa Isiraeri lwe kulikoma." Katonda Agenda kuwogolako ettabi ery'omu nsiko ate Addemu Asimbemu, ettabi ery'obuzaaliranwa nate.

Oh, ebiseera ebimu ekyo kintyemula omutima, okulaba abantu abo abanaku, abankuseere nga baasalibwako era nga tebamanyi na wa gye bagenda; era okukirowoozaako nti Katonda, mu kusaasira Kwe, Yakikola ekyo ndyoke ndokolebwe. Yabaziba amaaso eri Masiya waabwe Yennyini, n'Abaggala amatu gaabwe baleme okumuwlira; ng'ate baalabira ddala ebyamagero Bye, ne balabira ddala ebyamagero Bye n'ebintu bye Yali Akola.

27 Nzikiriza, Matayo, essuula eye 12, oba eyo 8 oba essuula eye 12,yagamba nti, "Newankubadde nga Yesu Yali akoze ebyamagero bingi, era bagaana okumukkiriza." Kubanga, Katonda Yayogera nti, "Balina amaaso naye tebalaba, n'amatu naye tebawulira; Okuggyako nga balaba n'amaaso gaabwe era ne bawulira n'amatu gaabwe Nnandibakyusizza." Naye, ffe okusobola okufuna omukisa, Yassa olutimbe wansi n'aziba amaaso g'abaana Be bennyini, n'Agobawo abaana be bennyini okuva ku mmeeza, n'abawa obukakanyavu bw'Omwoyo, Alyoke Azuule...Ffe tulyoke tufune omukisa okubeera abalamu, nga Atuwa Obulamu. Olunyiriri olwa 26, nate.

Era bwe kityo Abaisiraeri bona balirokoka: nga bwe kyawandiikibwa nti Muliva mu Sayuuni Awonya; Aliggyawo obutatya Katonda mu Yakobo:

Yee, Alijja eri Olusozi Sayuuni, olumu ku nnaku zino. Ku Lusozi Iw'Emizeyituni, Balimutegeera, era Isiraeri yonna erimanya nti y'Oyo. Abamawanga baliba bawedde ku olwo. Ettabi eryo eribadde lyasimbibwamu, Katonda Aliriggyako ekibala ekikunjyaanyiziddwa. Era ettabi ly'omu nsiko eryo liija kuba...

28 Era kati mujjukire, emabega wano nga bwe musoma, Yagamba nti, "Ekikolo bwe kiba nga kitukuvu, era nga ekikolo ekyo Kikolo kitukuvu, ebibala byonna ebiva mu Kikolo ekyo ekitukuvu bijja kubala ebibala ebitukuvu." Era bwe kiba nti Yesu Kristo ye Yali Ekikolo ekyo, ng'ate Ye kikolo era Omuzzukulu wa Dawudi; Obulamu obwo obwali mu Ye, bwe buba nga bwayita mu luse Iw'Abayudaaya era ne busalibwako ku bo, n'amaaso gaabwe ne gazibwa, ffe tusobole okulaba, obulamu bwaffe bulina okuba nga bukwatagana n'Ettabi eryo ery'Omuwendo. Oh, yee, ow'oluganda. Ekyo kituufu.

29 Katonda yabawogolako, ng'Akigenderedde, n'Abaziba amaaso ffe olwo tusobole okufuna omukisa okulaba, ng'Atuwa naffe akakisa. Ate awo ne tutambula nga tuli ng'abekitalo ennyo. Pawulo ababuulira wano, "Mwekuume, engeri gye mukikolamu ekyo. Mwekuume! Kubanga Katonda bw'Aba nga teyasaasira ettabi ery'obuzaaliranwa, Anaabeera atya n'okusaasira kwonna ku ttapi ery'omu nsiko eryamala edda oku..."

Kale nno ffe tutambulatambula nga twogera, nti, "Ndi mu Pulesibateriyani! ndi mu Baputisiti! Ndi mu Pentekooti!" Ekyo tekirina makulu eri Katonda. Olina okuzaalibwa Omulundi ogw'okubiri ku Iw'Omwoyo Omutukuvu oyo ava ku Kikolo.

Naye Yajja...Kaakati, mujjukire, Tayogera ku Bamawanga. Kino nkyogerako kati musobole okulaba wa Abamawanga we bafunira omukisa gwabwe. Naye, Ajja "okukomya okusobya," Okukikomekkereza.

30 Kale nno, singa tuddayo mu Danyeri nate, era tujja kukizuula nti mu Danyeri, tukisanga wano, mu lunyiriri olwa 24. Kale. "Okukomekkereza okusobya."Okukomekkereza ekiki? Okukomekkereza okusobya kwa Isiraeri. *Okusobya* kye kiki? Kwe kuwakanya ekintu. Okunsobyako, kwe kunkola ekintu ekikyamu. Okukusobyako kwe kukukola ekintu ekikyamu. Bw'atyø Isiraeri yakola ekisobu eri Katonda. Era mu wiiki eno ey'ensanvu, kiki ekigenda okubaawo? Katonda Agenda kukomekkereza okusobya kwa Isiraeri. "Okukomekkereza okusobya," Ajja kuba, "aggyawo obutali butuukirivu bwa Yakobo." Era olwo Abaisiraeri bona balizaalibwa omulundi ogw'okubiri. Bonna bajja kufuna Omwoyo Omutukuvu.

31 Kaakati, eky'okubiri, mukiwandiike ekyo ku mpapula zammwe.

Twandikimazeeko ekiseera ekiwanvu, naye ssaagala kutandika kukibuulirako. Njagala kwogerako nammwe, musobole okukifunira ddala. Bwe tulitandika ku Nvumbo zino Omusanvu, olwo mujja kuyita buyisi mu Kkanisa, okuyita mu Nvumbo, n'okuyita mu Kawumpuli, era mumanye wa we tuyimiridde. Kale.

Eky'okubiri, "Okumalawo okwonoona." Kati ka tuddemu tusome, Danyeri.

...okukomya...okusobia, ne-n'okumalawo okwonoona,...

Ekyo ky'ekigendererwa eky'okujja Kwe eky'okubiri. Ekisooka, kwe ku komekkereza okusobia kwa Isiraeri; era n'okumalawo okwonoona. Wa Isiraeri we yayonoona? Wa we baasinga okwonoona? Wa we beeyawulira okuva ku Katonda?

32 Kati muwulirize bulungi. Ka tuddeko mu Kitabo ky'Omukutuvu Matayo Essuula 24. Era wano Isiraeri we yakolera ekisobyo ekyabaleetera okuzikirira. Wano we yakolera ekibi ekikyasinzeeyo, era ensonga Iwaki eri mu mbeera gy'erimu olwa leero. Matayo, Essuula 27 ey'Enjiri y'Omukutuvu Matayo, n'olunyiri olwa 25 mu ssuula eya 27. Ka tuve ku lunyiriri lwa 21.

Naye ow'essaza n'addamu n'abagamba nti Ku abo bombi aluwa gwe mwagala mmubasumululire? Ne bagamba nti Balaba.

Kati mujjukire, eyo ye Isiraeri. "Balaba!"

Piraato n'abagamba nti Kale nnaakola ntya...ne Yesu ayitibwa Kristo? (Mubawulire kati!) Bonna ne bagamba nti Akomererwe.

Mujjukire, Oyo ye Masiya waabwe Danyeri gwe yayogerako nti yali wa kujja. Mujjukire enkya ya leero, mu ky'okuyigako wano, "Ajja kusalibwako, Siku lulwe Ye," nga talina kye Yakola.

...Akomererwe.

Naye ow'essaza n'agamba nti Lwaki? ekibi ky'akoze kiruswa? Naye ne bakaayana nnyo, ne bagamba nti Akomererwe.

Naye Piraato bwe yalaba nga taasobole n'akatono, era...nga bayinze okukaayana, n'addiria amazzi, n'anaaba mu ngalo mu maaso g'ekibiina ng'agamba nti Nze ssiriiko kabi olw'omusaayi gw'omuntu ono omutuukirivu: mulaba...

Muwulirize! Kuukuno okusobia kwabwe. Ekibi kyabwe kiikino.

Abantu bona ne baddamu ne Bagamba nti Omusaayi gwe gubeere ku ffe, ne ku baana baffe.

33 Awo we baagikolera. Yali amalawo okwonoona kwabwe. Yandikoze ki okuggyako okubasonyiwa, ng'Akimanyi nti yalina okuziba amaaso gaabwe, ffe tulyoke tuyingirewo. Kiringa abaana Be bennyini nga bayiwa Omusaayi Gwe. Ne bazibibwa amaaso, era nga Yakimanya nti baali bazibiddwa amaaso. Eyo y'ensonga Iwaki Yabakaabira bafune okusonyiyibwa. "Kitange, basonyiwe, kubanga tebamanyi kye bakola." Baali bazibe b'amaaso. Ku Iwaffe baazibwa amaaso. Mu butakkiriza bwabwe baakikola ekyo. Naye lwe balimulaba Ye nate...Amiina!

34 "Okumalawo ekibi." Ekibi kye Ki? Obutakkiriza. Tebaakkiriza nti Oyo ye yali Masiya. Baali tebamulaba okuba Masiya, ng'ate Yakola buli kabonero Masiya ke Yali ateekedduwa okukola. Naye baali tebakiraba. Baali bazibe ba maaso.

N'olwekyo bwe mulaba abantu nga boogera nti, "Sikkiriza mu Kuwonyezebwa okw'Obwakatonda. Sikiraba. Sitegeera kubatizibwa kuno okw'Omwoyo Omukutuvu." Temubasunguwalira; bo bazibe. Ne boogera nti, "Nze sitegeera Bubaka buno obw'Okujja Kwe. Sitegeera kubatizibwa kuno okw'Omwoyo Omukutuvu. Sitegeera bya zzadde lya musota. Ebintu bino sibitegeera." Bazibe ba maaso, ng'ate tebakimanyi. Basabire busabizi. Kale.

35 Mu butakkiriza bwabwe; naye, lwe balimulaba Ye, ng'Akomiyewo, kirimalawo obutakkiriza bwabwe. Oh, abange! Ka tuddeko okusooka mu Lubereberye essuula eya 25, Essuula eya 45, era tufuneyo e-ekifaananyi kyakyo. Nnina wano byempandiise okuva mu Lubereberye 45, nnaddala mmwe abawandiika bye njogera. Oh, Nga njagala nnyo Enjiri ennungi eno enkadde! Kale. Kati tumanyi wa we tuli.

Mumpulira bulungi, eyo emabega mu kizimbe? Muwanike ku mikono gyammwe bwe muba nga mumpulira bulungi. Guno Nnagatuuzzizza kumpi.

36 Kaakati, tugenda kusoma ekitundu okuva mu Kyawandiikibwa kino. Njagala muwulirize, mmwe abatalina bayibuli zammwe. Mmwe abalina Bayibuli zammwe, kiri mu Lubereberye. Ekisooka, Ka tutandikire mu Ssuula eya 44, nga tusookera ku lunyiriri olwa 27.

Tuli ku Yusufu, era Yusufu yali kifaananyi ekituukiridde mu kwoleka Kristo. Tukimanyi ekyo. Bameka abakimanyi ekyo? [Ekibiina kiddamu nti, "Amiina"-Omuk.] Yakyayibwa baganda be (Iwaki?) kubanga yali wa mwoyo, yalabanga okwolesebwa, nn'avvuunulanga n'ebirooto. Yali musajja wa mwoyo mu baganda be, ne bamukyawa. Ate ye kitaawe yamwagala.

Bw'atyo ne Yesu bwe Yakyayibwa amakanisa g'ebibiina by'amadiini, naye n'Ayagalibwa Kitaawe,

Katonda. Lwaki baamukyawa? Kubanga Yali wa mwoyo. Kubanga...

37 Bayogera, baagamba nti, "Yali yeeraguza, setaani."

Mujjukira baganda ba Yusufu kye baamugamba? "Wuuyo Ssekalootera ajja." Mulaba? Mulaba, ekintu ky'ekimu. Era baatunda Yusufu kyenkana ku muwendo gwe gumu nga Yuda gwe yatundirako Yesu, ebitundu bya ffeeza amakumi asatu. [Ow'oluganda Branham akonkona ku kituuti emirundi egiwerako - Omuk.] Baamusuula mu kinnya, ne bagenda ne bagamba kitaawe nti waliwo ekintu ekyamutta, yali afudde. Naye yaggyibwa mu kinnya ekyo. Kristo yasuulibwa mu kinnya, n'Aggyibwayo. Era okuva awo yagenda mu kifo ekyali kisingayo obukulu ku nsi. Amiina! Yusufu yagenda ku mukono ogwa ddyo ogwa Falaawo; ne Yesu n'Agenda ku mukono ogwa ddyo ogwa Katonda. Mu kukemebwa kwe, nga okugulumizibwa Kwe tekunnatuuka. Yesu, nga Tannagulumizibwa, Yasooka kuyita mu kugezesewba.

38 Kati nno, nzikiriza yali Billy Sunday, Omubuuilizi w'enjiri y'ebweru ow'amaanyi, ye yagamba nti, "Ku buli-ku buli muti kwaliko akakadde ka Bamalayika nga basiisiidde okwo, ku lunaku lwe baamukomerera, ne bamugamba nti, 'Golola bugolozi omukono Gwo otusongeko olunwe. Tujja kukyusa ekifaananyi kya byonna ebigena mumaaso wano kati.'" Naye yali Tasobola kukikola ekyo.

Kayaafa yayogera nti, "Yeelokola; abalala tasobola kubalokola." yali tamanyi nti ayogera bituufu. Singa Yeelokola, Teyandirokodde balala. Kye yava Yeewaayo, okulokola abalala. Mulaba, baali bazibe b'amaaso nnyo ku kyo. Kati bo...

39 Olwo bwe yali mu kugulumizibwa kwe, oba kale nga tannagulumizibwa, mu kukemebwa kwe yayitamu. Mujjukire nti, Yusufu Yateekebwa mu kkomera kubanga teyalina musango. Omuserikale Omuruumi, oba...

Omuduumizi w'eggye ly'Abaisiraeri, n'erinnya lye Potifali; Potifali yagenda, yavaawo n'agenda ku lugendo olumu. Yalina omukazi omubalagavu, era mukazi we n'aleeta Yusufu mu nnyumba okubaako ky'akola; era n'agezaako okuwaliriza Yusufu okukola ekintu ekikyamu. Ate ye n'abeera muwulize eri Katonda. Mbagamba, bulijjo ba...

40 Mmwe abakazi, mbaddenga mbakaayuukira; kati njenda kubeeimirira, okumala akadakiika. Mulaba? Omukazi ky'ekibya ekinafuko Nkimanyi nti tewayinza kubaawo musajja mubi awatali mukazi mubi. Naye ate abasajja abakimanyi ekyo, abasajja abamanyi nti oli mwana wa Katonda, n'ojoogereza omukazi, Oswadde; ne bw'akola ki. Ye ky'ekibya ekinafuko, era ekyo okimanyi. Singa afuluma ebweru, n'atandika, okwemalamu ekitiibwa, mukwate ku mukono era oyogere naye nga mwannyoko. Oli mwana wa Katonda. Tokola bintu ebyo ebibi. Laba Yusufu, yali kyakulabirako gy'oli.

41 Era mukyala Potifali, omukazi oyo omubalagavu, ow'ekitiibwa, ekyawaggulu ennyo, omu ku bakazi abaali basinga okuba ab'ekitiibwa mu ggwanga, yamwegayirira, n'amusindiikiriza. Yusufu n'akyuka, era ye omukazi n'amukwata n'agezaako okumukaka amugwe mu kifuba. Ate ye n'amweggyako okutuusa bwe yamusikambulako n'ekizibawo kye, ye n'amuddukako. Yee, ssebo. Era bwe yakomawo ne bamuwaayiriza, ne bagamba nti yali agezezzaako okumusobyako, era omukazi n'aleka e...mbu n'aleka ekizibawo kye. Kati ku lw'ekyo yagenda mu kkomera. Naye, mu kkomera, Katonda yali naye, ne bwe baamuteeka wa. Yali kifaananyi eky'Omwana ow'okukulaakulana.

Buli kyonna Yusufu kye yakola kyakulaakulananga. Era ne Yesu bw'Alikomawo mu bufuzi obw'Emyaka Olukumi, eyo y'ensonga Iwaki amalungu galitojjeria ng'ekimuli kya rosa. Buli ky'Akola kijja kukulaakulana. Ye ye Mwana w'okukulaakulana. Buli we baatekanga Yusufu, nga waweebwa omukisa. Buli wonna Yesu w'Ali, walina omukisa. N'olwekyo, Muyingize mu mutima gwo oweebwe omukisa.

42 Bwe tutyo tukizuula kaakati, nti, Yusufu yassibwa mu kkomera. Era mu kkomera mwalimu abasajja babiri; omu ku bo yabula, ate omulala n'alokolebw. Yesu, ng'Ali mu kukemebwa Kwe okw'oku musaalaba, omubbi omu yabula ate omulala n'alokolebw.

Bwe Yagulumizibwa, Yagenda ku mukono ogwa ddyo gwa Katonda. Yusufu bwe yagulumizibwa, yagenda ku mukono ogwa ddyo ogwa Falaawo, era tewaali muntu n'omu eyayogeranga ne Falaawo nga tasoose kwogera ne Yusufu n'afuna olukusa. Era Yusufu bwe yafulumanga olubiri...Oh, abange! [ow'Oluganda Branham akuba mu ngalo ze omulundi gumu-Omuk.] Yusufu bwe yafulumanga olubiri, amakondeere nga gavuga, era ng'abasajja badduka mu maaso ge, nga boogera nti, "Muvunname! Yusufu ajja!" Amiina! Era Yesu bw'Aliva mu mukono ogwa ddyo ogw'Ekitiibwa kya Katonda waggulu, amakondeere galivuga. Era buli vviivi lirivunnam, na buli lulimi lulyatula nti, Yesu Ajja!" Kituufu ddala!

Naye ate... Era, mujjukire nti, bwe yagaanibwa baganda be, kiki kye yakola? Yeefunirayo omukyala ow'omu Bamawanga; yafunayo omukyala Omumisiri. Yesu bwe Yasalibwako ku Baganda Be erudda eyo, Abayudaaya, Yawasa Omugole ow'Omumisiri. Naye kati, oluvannyuma lw'emyaka, ng'abaana bamaze okuzaalibwa, Efulayimu ne Manase, yafuna famire.

43 Kale awo, olunaku olumu, baganda be bajja okumulaba. Weetegereze. Tumanyi ebyaliwo, engeri gye yabateeramu ebinto ebitono munda omwo, okusobola okubizzaayo. Ne yeeyisa nga atamanyi na lulimi

Iwabwe; n'afuna omuvvuunuizi, okuvvuunula olw'Ebbulaniya, ng'ate yali mw'Ebbulaniya yennyini. Era muganda waabwe yali azze. Tebaamutegeera. Yali mulangira ow'ekitalo. Mu kiseera kino kati, Kristo Akyalira Abayudaaya, n'Awonya abalwadde baabwe ne byonna, ate ne basigala nga tebategedde Ye y'Ani, Masiya Oyo.

Ka tutandikire ku lunyiriri olwa 27 mu ssuula eya 44.

Omuddu wo kitange n'atugamba nti Mumanyi nti mukazi wange yanzaalira mukazi-wange yanzaalira abaana ab'obulenzi babiri:

Om u n'ava gye ndi,...

Oyo ye yali Yusufu yennyini, gwe baali boogera naye.

...ne njogera nti, Mazima yataagulwataagulwa; nange sikuylabako:

Era bwe munanziyako n'oyo, akabi ne kamubaako, muliserengesa envi zange mu magombe olw'okunakuwala.

44 Baalinayo Benyamini omuto erudda eyo, mutoowe. Mumanyi ani Benyamini gw'ayoleka? Ekibinja kino ekiggya eky'Abayudaaya abannamaddala abakunjaanira eyo okukola omuwendo gw'abali emitwalo ekkumi n'ena mu enkumi nnya, olulyo luno olujja. Si ate bano abayaaye b'oku Wall Street, nedda, nedda; abo bo bajaasi abatalina mugaso nnyo. Abo si Bayudaaya. Abo si Bayudaaya. Abayudaaya abatuufu be ba Benyamini abava erudda eno, nga n'okuwulira tebawuliranga na ku Kigambo kya Yesu Kristo.

45 *Kale kaakano bw'alijja gyendi...ne@@ kitaawo...bwe ndijja eri omuddu wo kitange, n'omulenzi nga tali wamu naffe; kubanga obulamu bwe busibiddwa n'obulamu bw'omulenzi;*

Obulamu bwa Katonda Bwennyini busibiddwa ne Isiraeri. Yagiwasa. Tugenda kukituukako mu ddakiika ntono, Mukama ng'Ayagadde. Mufumbo eri Isiraeri. Obulamu Bwe busibiddwa ku yo. Nga nange bwe nsibiddwa ku Mukyala Branham emabega wali, mukyala wange, era naawe osibiddwa eri mukyala wo. Obulamu bwo busibiddwa mu kyo. Ne Katonda mufumbo eri Isiraeri. Era kyali kiki? Yakobo yagamba nti, "Obulamu bwange bwezingidde era busibiddwa mu mwana ono. Nja..."

Era olulituuka bw'aliraba ng'omulenzi taliwo,...

Yusufu yali agenda kusigaza omulenzi, nga bwe mukimanyi. Tumanyi ebyaliwo.

...era alifa: Taata we: n'abaddu bo baliserengesa envi z'omuddu wo kitaabwe mu magombe olw'okunakuwala.

Muwulire Okwegayirira kwa Lewubeni kwaawaayo kaakano.

Kubanga omuddu wo ye yeeyimirira omulenzi eri...kitange nga njogera nti Bwe sireeta...bwe sirimuleeta gy'oli, nze ndiba n'omusango eri kitange ennaku zonna.

Kale nno, nkwegayiridde, omuddu wo abeere wano mu kifo ky'omulenzi...

Oh, abange! Mulaba, ayimiridde mu maaso ga Yusufu, muganda we. Ono ye Yusufu, Ng'ate tamumanyi. Oh, lindako okutuuusa ng'obufuzi obw'Emyaka olukumi butandise, ow'oluganda!

...kati mu kifo ky'omulenzi okuba omuddu wa mukama wange;...

Mumuulire, nga amwatula okuba, "mukama."

...leka omulenzi ayambukire wamu ne baganda be.

Kubanga ndyambuka ntya eri kitange, ng'omulenzi nga tali wamu nange? kabekasinge ndaba akabi akalituuka ku kitange.

46 Nga yeegayirira, ng'awaayo obulamu bwe bwennyini! Engeri Abayudaaya abo gye baliyimiriramu awo nga banjuluzza emikono gyabwe! Mugenderere, Mugenderere kati olunyiriri, olwa 45, olunyiriri...Muwulirize bulungi, temukisubwa.

"Yusufu bwe yali nga..."

Awo Yusufu n'alemwa okuzibiikiriza- okuzibiikiriza mu maaso g'abo bona abaali bayimiridde okumpi naye;...

Ow'oluganda, awo wennyini ekibi we kigenda okumalibwawo. Obutakkiriza bwonna bugenda kusaasaana.

...n'ayogerera waggulu nti Mufulumye buli muntu...bave gye ndi. Ne wataba muntu

ayimiridde naye, Yusufu bwe yali yeeyoleka eri baganda be.

Kiki kino? Ne mukyala we yennyini yaddayo munda mu lubiri. Oh, abange! Omugole mu Kitiibwa, nga Yesu Akomawo (tugenda kukiraba ekyo wano) Nga Yeeyanjula.

47 *N'akaaba n'eddoboozi ddene:...*

Yusufu yali takyayinza kukyebeera, n'aleekana.

...era Abamisiri ne bawulira, n'ennyumba ya Falaawo n'ewulira.

Okutuukira ddala eyo emabega mu lubiri, baawulira Yusufu ng'aleekaana. Kaakati, ekyo kyali kifaananyi kya Kristo ng'Asisinkana Abayudaaya, abo, b'Amanyi nti Ye Yabaziba amaaso olwo ffe tusobole okufuna akakisa. Naye bw'Alikomawo gye bali nate, ekibi kya Isiraeri kijja kuba kiweddeko.

Awo Yusufu n'agamba baganda be nti Nze Yusufu;...

Mulowooza kiki Yesu kyalyogera? "Nze Masiya wammwe. Nze Oyo gwe mwakomerera."

...kitange akyali mulamu? Baganda be ne batayinza kumuddamu; kubanga beeralikirira mu maaso ge.

48 Oh, nnina okuyimirizaamu kko wano katono. Ka tugende mu Zekkaliya, essuula eye 12. Mugende nange mu Kitabo kya Zekkaliya, essuula 12 eya Zekkaliya. Osanga ntwala obudde bungi mu kutandika okubuulira ku kintu kino, naye ka nsuubire nti si bwe guli. Era nze-mpulira njagala nnyo mukifune.

Zekkaliya, ka tufune essuula 12 eya Zekkaliya, tulabe kiki ky'Agenda okwogera kati bw'Ayimirira mu maaso ga baganda Be. Zekkaliya 12, olwe 10. "Okumalawo ekibi," kaakati. Kale, essuula 12 olunyiriri 10.

49 Mwetegereze. Era kati ayogera wano n'abo abasigalawo; Okulumbibwa kwa Yerusaalemi; Ensolo n'amagye biggyibwawo, bwe bityo; ebantu byonna bituuse ku nkomerero kati; obufuzi bw'emyaka Olukumi buseembedde, tunaatera okutandika Obufuzi bw'emyaka olukumi kati.

Era ndifuka ku nnyumba ya Dawudi ne ku abo abali mu Yerusaalemi omwoyo (ogwaki?) ogw'ekisa...

Amiina! Ekisa ekyewuunyisa!

...ku nnyumba ya...abo abali mu Yerusaalemi (Ekibuga kya Danyeri "ekitukuvu"), omwoyo ogw'ekisa n'okwegayirira; era balitunuulira nze gwe baafumita: era balimukubira ebiwoobe ng'omuntu bw'akubira ebiwoobe omwana we omu yekka, era balimulumirwa omwoyo ng'omuntu bw'alumirwa omwana we omubereberye.

50 Muwulirize, nga kuliba kukungubaga kukulu bw'Aliba Ayimiridde awo, nga Yeeyanjula gye bali, nga Yusufu bwe yakola! Muwulirize.

Ku lunaku luli balikuba ebiwoobe bingi mu Yerusaalemi ng'ebiwoobe ebya Kadadu-...

Sisobola kwatula linnya eryo, K-a-d-a-d-u-l-i-m- -o - ...

...Kadadulimmoni mu...Megiddoni-Megiddoni.

Era ensi erikuba ebiwoobe, buli kika kyokka; ekika eky'ennyumba ya Dawudi, kyokka; ne bakazi baabwe bokka; ekika eky'ennyumba ya Nasani kyokka, ne bakazi baabwe bokka;

...Ennyumba ya Leevi kyokka,... ne bakazi baabwe n'ennyumba zaabwe bokka;... ekika eky'Abasimeeyi kyokka, ne bakazi baabwe bokka;

Era ebika byonna ebisigalawo, buli kika kyokka,... ne bakazi baabwe bokka.

Baliwlira obuswawu olwabwe bo bennyini, bwe baliba awo ne balaba Oyo yennyini gwe baakomerera ne bamwegaana, ng'Ayimiridde awo, Yusufu waabwe yennyini ow'omuwendo. Walibaawo okukungubaga okungi! Era balyogera nti. "Waggya wa enkovu z'ebinuubule ezo?"

N'Abaddamu nti, "Mu nnyumba ya mikwano gyange." Mulaba kye ntegeeza? Okumalawo ekibi, obutakkiriza, ekyo kye kimuleeta Ye.

51 Era mu mwaka guno ogw'ensanvu ogwa Danyeri, manyanga, wiiki ey'ensanvu, Ajja kumalawo ekibi, okukiggyawo. Mukitegeera kati? Kiki ekisooka? " Okukomya Okusobia." "Okumalawo ekibi."

Eky'okusatu, "Okutabaganya olw'obutali butuukirivu." Eri mmwe abawandiika.

Mbadde nkyalina wano ebyawandiikibwa nga mukaaga ebirala, wabula mbiyiseeko buyisi, kubanga

obudde bwokkya nnyo. Tetwagala kutwala budde bungi. Njagala nkiyitemu ekiwanvu ekimala nga bwe nsobola, naye si kubalwisaawo nnyo. Kale.

52 "Okutabaganya olw'obutali butuukirivu." *Obutali butuukirivu* kwe "kukola ekikyamu," nga bwe baakola ku musaalaba. Yassaawo okutabaganya, naye tekubakolera, tekwabakolera bo. Lwaki? Kubanga baali bazibiddwa amaaso nga tebasobola kukiraba. Era Iwaki baazibibwa amaaso? Ogamba nti, "Kale, osanga, olwaleero...kubanga ndi muzibe." Oli muzibe lwa kyeyagalire. Bo baali bazibe kubanga Katonda ye yabaziba amaaso. Naye ate ggwe oli muzibe kubanga oli muzibe lwa kyeyagalire. Tolina kukutabaganya kwonna. "Bwe mutakkiriza nti Nze Ye," Yesu yayogera nti, "mujja kufiira mu kibi kyammwe." Ekyo kituufu.

53 Kati ka tuddeko mu Zekkaliya nate, essuula eye 13. Kaakati ka tuwulirize wano. "Okuleeta okutabaganya." Kaakati, kino we...mbadde nnoonya omuntu, wuliriza kino-wuliriza kino, naye osanga Mukama Anaakireeta ng'okwagala Kwe bwe kuli.

Ku lunaku luli wajja kuba...

"Ku lunaku luli." Dokita. Scofield yawandiika wano mu bugambo bwe obunnyonnyola, oba mu mitwe gyabwo, "Abaasigalawo...abaasigalawo abeenenya batunuulira musaalaba."

"Okutabaganya olw'obutali butuukirivu." Obutali butuukirivu, ky'ekyo ky'okoze mu bukyamu, ekyo kye wabaddde omanyi nti, tewandikikoze. "Bwe mba nga ntulidde obutali butuukirivu mu mutima gwange, Katonda Tajja kumpuliriza."

54 Kaakati, mu Zekkaliya essuula eye 13, ka tutandike ne 1 olunyiriri 1.

Ku lunaku luli oluzzi luliggulirwa ennyumba ya Dawudi n'abo abali mu Yerusaalemi olw'ebibi... n'olw'empitambi.

Wajja kubaawo ennyumba egguddwawo. Mugende mu maaso; twandikisomye ne tukkirira wansi. Njagala mululambe olwo munaalusoma. Naye kaakati nnalambye wano okutandikira ku lunyiriri 6 era tusome okutuuka ku lwe 10. Kale, ka tusome kati era tulabe, oba kale, tusome okutuuka ku 9.

N'omu alimugamba nti wa...Ebiwundu ebiri wakati w'emikono gyo biki? Awo aliddamu nti, Ebyo... bye nnina bya...(Ka tulabe.)...aliddamu nti, bye nnafumitirwa mu nnyumba ya mikwano gyange.

Golokoka, ggwe ekitala, okulwana n'omusumba wange, n'omuntu, ye munnange, bw'ayogera Mukama w'eggye: tema omusumba n'endiga zirisaasaana; nange ndissaako omukono gwange ku bato.

55 Kaakati, Yesu yanokola Ekyawandiikibwa ekyo, Mulaba, "Kuba omusumba, endiga zisaasaane." Naye weetegereze akatundu akaddako. Yanokola ako kokka ku kyonna. Naye laba kiki olunyiriri oluddako kye lwogera, ekitundu kyalwo ekiddako. "Era ndikyusa Omukono gwange okugussa ku bato." Baani? Akabinja ka ba Benyamini abali mu kujja kati. "Ndikyusa Omukono gwange okugussa ku bato."

"Kuba omusumba." Isiraeri, okusooka, Isiraeri yakuba Omusumba, n'asaasaanyiza endiga mu nsi yonna. Naye Katonda n'Agamba nti, "Nja kussaayo Omukono gwange nate, okuggyayo abo abato ku lunaku olusemba." Ddi? Nga okutabaganya olw'obutali butuukirivu kukoeddwa.

56 Isiraeri alirokolebwa, buli omu ku bo. Ka tuddeko mu Isaaya. Isaaya, essuula eye 66 ey'omu Isaaya, tusomeyo akaseera katono. Era tulabe kiki Katonda ky'Ayogera ku Isiraeri okulokolebwa, kiritwala bbanga ki okulokola Isiraeri. Mulabe nga bwe kigenda okujja mu bwangu. Mu Isaaya, essuula eye 66 era olunyiriri olwo 8. Bwe muba mwandyagadde okugisoma yonna, kirungi.

Ani eyali awulidde ekigambo ekifaanana bwe kityo? ani eyali alabye ebigambo ebifaanana bwe bityo? Ensi erizaala...lunaku lumu...mu lunaku lumu? eggwanga liriva mu lubuto mulundi gumu? kubanga Sayuuni yali nga kyajje alumwe n'azaala abaana be.

Amangu ddala nga Sayuuni alabye nti Oyo ye Masiya waabwe, yazaalibwa Omulundi ogw'okubiri, mu lunaku lumu. "Okussaawo okutabaganya ku lw'ekibi, n'okussaawo okutabaganya olw'obutali butuukirivu, obutaba mulongoofu." Oh, abange! Baakola ekyo ekyali ekibi, ekyo ekyali ekikyamu. Okutabaganya ne kukolebwa olw'obutali butuukirivu bwabwe.

57 Eky'okuna. "Okuyingiza obutuukirivu obw'olubeerera." Ekyo ky'ekintu eky'okuna ekyamuleeta Ye. Eky'okuna, kye Yajja okukola, "O-okuyingizaawo obutuukirivu obw'olubeerera." "Okumalawo ekibi; okutabaganya; n'okuyingizaawo obutuukirivu obw'olubeerera." Okusobya kwa Isiraeri bwe kwali kuzze ku nkomerero...Nga okusobya kwa Isiraeri...

Kati tugenda ku...Njagala kino mukifune, kubanga bwe tuleetawo omukazi oli, n'ogusota okusuulibwa ebweru, mujja kukomawo butereevu ku Kyawandiikibwa kino nate. Mukakase nti mukiwandiika. Okusobya

kwa Isiraeri bwe kulikoma, Setaani, oyo abaloopa, era n'affe atuloopa, Setaani aliggalibwa mu bunnya obutakoma. Nga kiki ekibaddewo? Ng'okuyingizaawo obutuukirivu obw'olubeerera kuzze, ekintu ekitakoma, byonna ebyo ebyaleeta obutali butuukirivu birisaanyizibwawo.

58 Ka tugende mu Kubikkulirwa essuula eya 20 n'olunyiriri lwe 13, mu ddakiika ng'emu, era ka tusome wano katono okumala akadakiika. Okubikkulirwa 20, ne 13...Nedda, nsaba munsonyiweko. Okubikkulirwa...1 okutuuka ku 3, bwe kiri. Mbadde ssaalabye akasitale wakati awo. entuuyo zange wano zigenze mu maaso gange. Okubikkulirwa essuula 20, era ka tulabe.

Ne ndaba malayika ng'akka okuva mu ggulu, ng'alina ekisumuluzo ky'obunnya obutakoma n'olujegere olunene mu mukono gwe.

...n'akwata ogusota, omusota ogw'edda, ye Mulyolyomi era Setaani, n'agusibira emyaka lukumi,

N'agusuula mu bunnya obutakoma n'aggalawo n'ateekako akabonero, gulemenga okulimba amawanga nate, okutuusa emyaka lukumi lwe giriggwaako; oluvannyuma lwagyo kigugwanira okusumululwa ebiro bitono.

Okussaawo obw'olubeerera..." Okuyingizaawo obutuukirivu obw'olubeerera," Setaani nga ali mu bunnya obutakoma. Ate bw'Akikola ekyo, n'Aggalira Setaani abadde alimbalimba abantu.

59 Kaakati, leka tugende mu Kaabakuuku, essuula eyo 2-Kaabakuuku, essuula eyo 2. Era kati, tugenda kulaba Iwaki yaggalira omusoto guno omukadde, na lyaki kyakolebwa, na kiki ekibaawo amangu ddala oluvannyuma nga aggaliddwa. Kino nkyagala, mmwe temukyagala? Kituleeta eri amagezi ag'ekintu ekimu. Kaabakuuku-Kaabakuuku, essuula eyo 2 n'olunyiriri olwe 14, nzikiriza bwe kiri, njagala kusoma. Kino bwe kituukawo...Mwetegereze.

Kubanga ensi erijjula okumanya ekitiibwa kya Mukama, ng'amazzi bwe gasaanikira kunnanya.

Oooh, abange! [Ow'oluganda Branham akuba mu ngalo- Omuk.] Whew! mu ngeri endala, ng'omulabe aggyiddwaawo, enkomerero y'ekibi nga ezze, okuyingizaawo obutuukirivu obw'olubeerera nga kuzze, Setaani nga aggaliddwa mu bunnya obutakoma, okumanya kwa Mukama kujja kujjula ensi ng'amazzi bwe gasaanikira ennyanja. Amiina! Ekitiibwa kidde eri Katonda! Kijja, ow'oluganda, kijja! Abakazi bajja kuba bakyala, n'abasajja bajja kuba baami. Amiina!

Amagezi ga Mukama bwe ganajjuza ensi n'enyanja n'obwengula;

Era, oh, omutima gwange nga gusinda, guaabira olunaku olwo olw'okuteebwa,

Yesu waffe bw'Anaakomerawo ku nsi nate.

Amiina! Kale. Kaakati, ekiseera Obufuzi bw'Emyaka olukumi, era Ekibuga lwe kirizimbibwa. Eky'okuna...Nnina wano Ebyawandiikibwa ebirala nga mukaaga, naye ka twanguweko. Kaakati, bwe tunaakomawo, nja kutwala Ebyawandiikibwa bino ebirala; naye njagadde mufune ekifaananyi ky'ebikulu ebirimu.

60 Eky'okutaano. "Okussa envumbo ku ebyo ebyayolesebwa ne ku ebyo ebyalagulwa." Mulaba, malayika Oyo Yajja okussa envumbo ku kwolesebwa ne ku bunnabbi.

Ssa-ssandyagadde kwogera kino. naye omuwandiisi omukulu omu, gwe nnali nsomako ku lunaku luli, ng'ate ebyo ye yabitabulatabula! Yakyogerako. Kale, okulaga obusiru...

Oh, musonyiwe bannange. Sigenderedde kukyogera ekyo. Nsaba kunsonyiwa. Sitegeeza ekyo. Mazima siki genderedde. Nedda. O-o-omusajja atafukiddwako mafuta, mulaba, omusajja oyo yagamba nti, "Olaba wano nga okwolesebwa n'obunnabbi byajjanga eri ekkanisa y'Abayudaaya" N'agamba nti, "Okuva mu kiseera kya Danyeri okweyongerayo, Danyeri bwe yajja, kyali kitegeesa nti tewalibaawo kwolesebwa kulala newankubadde obunnabbi obulala." N'Ayogera nti, "Ebintu bino byonna bye boogerako olwa leero, eby'okufuna okwolesebwa n'obunabbi, byonna bintu bya Setaani, nga tewaaliwo kintu nga okwolesebwa n'obunnabbi."

Ow'oluganda, waaliwo bannabbi bangi era abawerako oluvannyuma lwa Danyeri. Era waaliwo Yokaana Omubatiza. Waaliwo ne Yesu Kristo. Waaliwo bannabbi ne mu Edagaano Empya. Waaliwo okwolesebwa. Waaliwo Bamalyika. Omuntu ayinza atya okwogera ekintu ekyo? Naye, Mulaba, Ekyo kijja lwa kuba omuntu aba n'ekigendererwa eky'okweyagaliza, ng'ogezaako okukaka abantu okukkiriza ekintu kyo, okugezaako okukifluula enjigiriza y'ekkanisa, oba akasongasonga omutali makulu, okuba ekyannamaddala eri abantu. Ate abantu bwe baba nga tebalina Mwoyo Mutukuvu, bajja kulimbibwa nakyo.

61 Kaakati, tuleme okutwala omuntu obuntu kyayogera. Kaakati, tewaliwo Kyawandiikibwa okukakasa

ebyo. Kati nnandibikkiriza ntya ebyo nange? Kale, ka tuzuule ekyo eky'okussaako envumbo kye kitegeza. Mugenderere! Yajja kukola ekyo, okussa envumbo ku kwolesebwa ne ku bunnabbi.

Kaakati, ka tuddeyo mu Kitabo kya Danyeri, we tubadde. Mu kitabo kya Danyeri, tujja kuzuula kiki kye Kyayogera. Kati ka tudde mu Danyeri essuula eye 12. Kaakati, nga bwe tugenda mu Danyeri 12, kati, tuyinza okutandika. Era tusome mu...Bwe munnaddayo eka, njagala musome okuva ku lunyiriri 1 okweyongerayo. Ka tusome okuva ku lunyiriri 1, okutuuka ku lwo 4.

Era mu biro ebyo Mikayiri aliyimirira,...omulangira omukulu ayimiririra abaana b'abantu bo:...

Kaakati, kino kya mu kiseera kya nkomerero.

...era waliba ekiseera eky'okunakuwaliramu, ekitabangawo kasooka....wabaawo eggwanga...

Mu kiseera ekyo omulabe wa Kristo, oyo omwebagazi w'embalaasi ow'omu Nvumbo Esooka Iw'afuluma, bw'ajja mu kiseera ekyo.

...okutuusa ku biro ebyo:...

Si mu kiseera ekyo Tito mwe yamenyera ebisenge bya Yerusaalemi. Ekyo kyaliwo mu kifo kimu kyokka. Mugenderere omulabe wa Kristo ono, omulangira oyo eyali ow'okujja, mugenderere bw'ajja.

...okutuusa mu kiseera ky'ekimu: era mu biro ebyo abantu bo baliwonyezebwa, buli alirabika nga yawandiikibwa mu kitabo.

Hallelujah! "Abantu bo," Isiraeri, "bajja kuba baawandiikibwa mu kitabo."

Era bangi ku abo abeebaka mu nfuufu ey'oku nsi balizuukuka, abamu eri obulamu obutaggwaawo, n'abamu eri ensonyi n'okunyomebwa okutaggwaawo.

62 Kiyinza kitya okuba nga kyali kiseera ky'ekimu Tito lwe yamenya ebisenge bya Yerusaalemi? Kyandibaddewo kitya ekyo? Tekyandisobose. Mulaba, ayogera ku biseera eby'enkomerero, ku kuzuukira. Si bwe guli? Kaakati:

N'abo abalina amagezi balyakaayakana ng'okumasamasa okw'omu bbanga: n'abo abakyusa...abakyusa abangi eri obutuukirivu...ng'emmunyeenye emirembe n'emirembe...

Muwulirize! Kiokino wano, okussaako kw'envumbo okutuufu Okwannamaddala.

Naye ggwe, Danyeri, bikka ku bigambo, osse envumbo ku kitabo, okutuusa ekiseera eky'enkomerero:...

63 Kye kiki ekyo? Oh, Aleeruya! Mukiraba, mmwe ekibiina? Okubikkulirwa kuno okwa Yesu Kristo, n'Amaanyi Ge, n'Okujja Kwe, N'ebyenkomerero, byali biteekeddwaako envumbo okutuusa mu kiseera kino. Ekyo kye Yajja okukola. Kyakwekebwa abayivu; tekyewuunyisa, baagala okuteeka "Okussibwako kw'envumbo ku kyo "emabega eri, ku bintu nga "teri bannabbi" ne byonna emabega ewala eri. Tekija kubaamu makulu. Naye Okwolesebwa, Okwolesebwa kuno, kubaddenga kwassibwako envumbo okutuusa mu kiseera kino wano. Era awo we ntadde okukkiriza kwange, nti Katonda Ajja kubikkula ezo wiiki ensanvu. Amiina! "Kiteekoko envumbo," bwe Yayogera nti, "Okutuusa mu kiseera eky'enkomerero. Bikka ku Bigambo era osseeko envumbo ku Kitabo okutuusa mu kiseera eky'enkomerero."

64 Yakola ki? Okussaako envumbo ku kwolesebwa ne ku bunnabbi! Danyeri yali yawa obunnabbi ku bintu bino. Yali abirabye mu kwolesebwa, kati awo Malayika kwe kujja okussaako envumbo ku kwolesebwa, n'okussaako envumbo ku bunnabbi. Basobola okukisoma, naye tebasobola kukitegeera, okutuusa mu kiseera eky'enkomerero. Ekiseera eky'enkomerero, ekiseera eky'enkomerero kye kiki? Enkomerero ya wiiki ey'ensanvu, omulangira oli, omulabe wa Kristo, Iw'alibikkulwa, mu kiseera ekyo, nga yeefuula Katonda. Tumanya tutya nti kino kiteekeddwako envumbo okutuusa mu kiseera ekyo? Danyeri yali yaakakiytamu, eno y'essuula ya Danyeri esembayo.

65 Mwannyinaze Simpson yambuulidde olw'eggulo Iwa leero, yagambye nti, "ow'Oluganda Branham, Nnasoma ekitabo kya Danyeri kyonna. Nn-naye ssaasobola kumanya wa we nnakoma, bye nnali nsomye, newankubadde okufunamu eky'enjawulo ku kye nnatandika nakyo nga nsoma. Kiokino wano Mwannyinaze Simpson, bw'oba nga wooli wano ekiro kino. Nzikeriza mmulaba ng'atudde erudda wali. Sirina kye nnayogedde mu tuleera, nneekuumye obutabaako kye njogera, kubanga nnalowoozezza nti nnyinza okukituukako.

Naye, okwolesebwa kwa Danyeri kwe yalaba, ng'ali emmanga eyo kumpi n'omugga, kwateekebwako envumbo, "okutuusa mu kiseera ky'enkomerero." Kiri...ka njendeko mu maaso nkisome wano. Mulaba?

Naye ggwe, Danyeri, bikka ku bigambo, osse envumbo ku kitabo, okutuusa ekiseera eky'enkomerero: bangi abaliddinjana embiro, n'okumanya kulyeyongera.

Era nze Danyeri ne ndyoka ntunula, era, laba, abalala...babiri nga bayimiridde,... omu ku lubalama Iw'omugga emitala w'eno, n'omulala ku lubalama Iw'omugga emitala w'eri.

N'omu n'agamba omusajja ayambadde bafuta, eyali waggulu w'amazzi g'omugga, nti Eby'ekitalo ebyo birituusa wa okukoma?

Kati muwulire.

Ne mpulira omusajja ayambadde bafuta, eyali waggulu w'amazzi g'omugga, ng'agolola omukono gwe ogwa ddyo n'omukono gwe ogwa kkono eri eggulu, n'alayira oyo abeera omulamu emirembe gyonna, nga birituusa ekiseera n'ebiseera n'ekitundu ky'ekiseera:...

Kaakati, tukifuna bulungi-bulungi ddala, "Ekiseera, n'ekiseera, n'ekitundu ky'ekiseera." Kati mwetegereze bwe tunaagenda mu wiiki za Danyeri ensanvu, engeri ekyo gye kivaayo obulungi. Awo ekyama we kigenda okubikkulibwa. Kale. "Ekiseera, n'ekiseera, n'ekitundu ky'ekiseera."

...era bwalimala... ("ye," kagambo akakola mu kifo ky'erinnya ly'omuntu kati, omulabe wa Kristo)... alituukiriza... bwalimalira ddala okumenyamenya amaanyi ag'abantu abatukuvu, (awo w'amenyeramu endagaano ye mu massekkati ga wiiki), ebyo byonna ne biryoka bituukirira. (Amiina.)

Ne mpulira, naye ne sitegeera: ne ndyoka njogera nti, Ai... Mukama wange, ebiriva mu ebyo biriba bitya?

N'Ayogera nti, Kwata amakubo go Danyeri: kubanga ebigambo bibikkiddwako era bissiddwako envumbo okutuusa ekiseera ky'oku...

[Ow'oluganda Branham asiriikiriram u katono. Ekibiina ne kiddamu nti, "eky'enkomerero!" -Omuk.] Oh, temukyerabiranga ekyo!

...okutuusa ekiseera eky'enkomerero.

Bangi abalirongoosebwa, ne batukuzibwa, ne bagezesebwa; naye ababi balikola ebibi: so ku babi tekuliba abalitegeera: naye abo abalina amagezi balitegeera.

66 Obubaka bw'ekiseera eky'enkomerero bujja kukibikkula; Omulemba gw'ekkanisa ogusembayo. Ekitiibwa! Whew! Kiikyo awo! Oh, abange! Kinzisa ku bunkenke, okukirowoozaako, ekyama kino! Ebantu ekkanisa ey'ensi by'etunuulira obutunuulizi, n'eyogera nti, "Bya busirusu." Ekyama ekyo Kristo kiki ky'Ali; si Omuntu ow'okusatu, si Omuntu ow'okubiri, si Omuntu Ow'okusatu, naye Katonda Yennyini. Ebyama bya Katonda bino ebirala byonna bijja kubikkulibwa, kubanga byawandiikibwa wano mu Kitabo kino, era bya kubikkulibwa eri ab'omu kiseera ekyenkomerero. Tebasobola kukirabira mu Sseminario, n'amasomero, n'ebibiina by'amadiini mu ngeri y'emu ng'Abayudaaya bwe baalemwa okulaba Yesu okuba Masiya. Tekyewuunyisa bakulowooza okuba omuzoole. Tekyewuunyisa bakulowooza okuba omusirusuru. Tekyewuunyisa tebakutegeera Iwaki tosobola kukaabira wamu nabo ng'enkoko. Kubanga, Waliwo Amaanyi n'okwolesebwa emabega wakyo, Ekigambo kya Katonda ekibikuliddwa, okuteekateeka Ekkanisa okuba enneetegefu okugenda mu Kukwakkulibwa n'okugenda Eka. Yee. "Bangi baliddukira eno n'eri, n'amagezi galleyongera." Kituufu Ddala.

67 Kaakati, kintu ki ekirala ekirina okumanyibwa? Mutunuulire olwaleero, ku makanisa. Kiikino wano. Ka nsuubire tekigenda kukosa bantu, naye nnina okukyogerako. Okufuula....

Mu lunaku olwo walibaawo omulabe wa Kristo agolokoka

Kaakati, mujjukire, bwe tuligenda mu Nvumbo, omulabe wa Kristo oyo yeebagala okuyita mu Nvumbo ezo. Danyeri yakyogerako wano nti, "Omulangira owookujja." Ne Yesu, Alisalibwako okutabaganya abantu. Naye, "Omulangira ono alisituka, oyo alireeta eky'omuzizo okuzikiriza," Ku luli yali Rooma, okuyita mu Tito. Ate mu kiseera kino, mulangira y'ava e Rooma, yalikikola. Era ajja kubikkulibwa mu lunaku olusemba, kati muwulirize, "nga yeefuula Katonda," nga Omwoyo Omutukuvu bw'Atulabula mu Basessalonika, eky'okubiri. Ka tugendeyo, Abasessalonika eky'okubiri, ate awo munaaba mufunye si ekigambo kyange naye Ekigambo kya Katonda. Abasessalonika eky'okubiri, essuula 2 n'olunyiriri olwe 12. Ka tulabe. Abasessalonika eky'okubiri, essuula 2 era olunyiriri olwe 12. Ka tulabe. Ka tutandikire waggulu woolwo, ku lunyiriri olwo 7.

Kubanga ne kaakano eky'obujeemu weekiri kikola:...

(Kati awo Pawulo ayogerera mu maanyi g'Omwoyo Omutukuvu.)...

wabula aziyiza yekka-aziyiza yekka y'aziyiza kaakano okutuusa Iw'aliggyibwawo.

Ani "Oyo" awo? Waliwo omuntu yenna amummanyi? Omwoyo Omutukuvu, "Oyo akireka okubaawo."

Awo omujeemi oli (Ku olwo) alibikkuka,...

Ddi? Mu kiseera ky'ekimu kyennyini Omwoyo Omutukuvu Iw'Aggyibwawo, ng'ate Aggyibwawo kati. Lwaki Aggyibwawo? Atwala Ekkanisa wamu naye. "Abikkuddwa!" Pawulo ng'ayogerera wansi w'okulunjnjamizibwa.

...oyo Mukama waffe Yesu gw'alitta n'omukka ogw'omu kamwa Ke, era gw'alizikiriza n'okulabisibwa kw'okujja Kwe; (omubi oyo,

nga bwe kiri)

Naye okujja kw'oyo, kuli mu kukola kwa Setaani n'amaanyi gonna n'obubonero n'eb'y'amagero eby'obulimba,

"Ffe kkanisa esinga obukulu. Tulina *kino*, tulina na *kiri*, Mwenna mwegatte wamu, mulaba. Ffe abasingayo obunene," Ebyewuunyo eby'obulimba!

N'okukyamya...kwonna okutali kwa butuukirivu eri abo ababula; kubanga tebakkiriza kwagala mazima, balyoke balokoke.

N'olw'ensonga eyo Katonda kyava abasindikira okukyamya okukola, bakkirize eby'obulimba, balyoke bakkirize obulimba:

Era bona...balyoke basalirwe omusango abatakkiriza mazima naye abaasanyukira obutali butuukirivu.

Mukitegedde? [Ekibiina kiddamu nti, "Amiina." -Omuk.] Oh, Abange! Kati, Pawulo ng'ayogera. Ekiseera Envumbo ya Katonda lwe manyisibwa, Omwoyo We, Erinnya Lye, Ekisa Kye, bino ebyama byonna ebirala ebibikkulwa kaakano, enteekateeka z'Ekkanisa Ye okugenda mu Kukwakkulibwa; Okufukirirwa kw'Omwoyo Omutukuvu okw'omuyiika kwe kukikoze kino. Ekyo ky'Akoze mu nnaku zino ezisemba.

68 Kaakati, Ka tulabe. Tulina obudde bwa kino ekisemba?

[Ekibiina kiddamu nti, "Amiina." -Omuk.] Eky'omukaaga, " Okufuka Amafuta ku Asinga okuba owa Waggulu." Oh, Abange!, Kiokino wano! Ekintu ky'Asembayo okukola kwe kukola ekiki? Kaakati, ka tuddeyo mu Danyeri, tuzuule biki byonna by'Alina okukola wano wennyini.

"Wiiki ensanvu." Kiki ekirina okutuukirizibwa mu kiseera kino? Kale.

...zitegekeddwa eri abantu bo...n'ekibuga kyo ekitukuvu okukomya okusobya (okusobya kw'abantu),... n'okumalawo okwonoona (ku Iw'abantu), n'okutabaganya olw'obutali butuukirivu bwabwe,...n'okuyingizaawo obutuukirivu obw'olubeerera (k u Iw'Abayudaaya),...n'okussa envumbo ku kwolesebwa ne ku bunnabbi (okutuusa mu kiseera eky'enkomerero), n'okufuka amafuta ku kisinga Obutukuvu.

Ebyo by'ebigendererwa omukaaga eby'okujja Kwe.

69 Kaakati, "okufuka amafuta ku kisinga Obutukuvu." Kaakati, kino kiyinza obutaba kya bulijo okumala akaseera akatono, eri abangi ku mmwe abasomesa, naye kati mugumiikirizeeko akaseera katono, mulabe bwe kivaayo.

Kuno kwe kufukibwako kw'amatuta, si ku muntu. Yesu yafukibwako dda amafuta. Kituufu ekyo? [Ekibiina kiddamu nti, "Amiina." -Omuk.] Ekitabo ky'Ebikolwa by'Abatume kyayogera nti Katonda yafuka Amafuta g'Omwoyo Omutukuvu ku Yesu; n'Atambulanga wonna ng'Akola obulungi, ng'Awonya bona abalwadde, n'ebirala ng'ebyo. Yesu ye Yafukibwako dda amafuta. Ye ye Masiya. Ate nga *Masiya* kitegeeza "Oyo eyafukibwako Amafuta." Kituufu ekyo? Naye wano ku nkomerero, wa kufuka Amafuta ku kisinga Obutukuvu.

"Ekisinga Obutukuvu" Kye Kiki? mu ngeri nze gye nkirabamu, kye nzikiriza nti nsobola okukikakasa n'Ebyawandiikibwa, kwe kufuka amafuta ku "Ekisinga Obutukuvu" Nga kye kijja okuba Olusiisira Awakunjaanirwa mu bufuzi bw'Emyaka Olukumi. Kati muwulirize, mulabe lwaki nkifuna. Kinnyonnyoddwa mu Ezekyeri, e-essuula eyo 4, eyo...Nedda, ntegeeza essuula eya 43, olunyiriri 1 ne 6.

Ka tuddeyo mu Ezekyeri tulabe bw'akyoleka mu Bufuzi bw'Emyaka Olukumi, engeri gye balifikamu amafuta e...Ezekyeri 43, era ka tusomeko katono wano tulabe kiki ky'Agenda okukola mu kufukibwako kw'amatuta mu bufuzi bw'Emyaka Olukumi. Mu Ezekyeri 43, kale, kati ka tutandikire ku lunyiriri 1 okutuuka ku lwo 6. Musobola okusoma kyonna bwe munaaba mutuuse eka, wewaawo, naddala mmwe abawandiika, Ezekyeri 43. "Oluvannyuma..."

70 Kaakati, mugenderere, kwe kunnyonnyola kiki Yeekaalu ey'okuzimbibwa mu Bufuzi bw'Emyaka olukumi ky'eri. Kaakati, buli muntu yenna, buli musomi akimanyi, nti okuva mu Ezekyeri, essuula eya 40, okutuuka nga mu ssuula eya 44, sikirala kyonna wabula kwe kuzimbibwa okwa Yeekaalu ku nsi oy'omu Bufuzi bw'Emyaka olukumi (omuntu yenna ekyo akimanyi, mulaba), ekitiibwa kya Katonda bwe kigijjula, n'ebirala bwe bityo. Kati tugenda...tugenda kunnyonnyola Yeekaalu eyo ky'eri mu ssuula eya 43, olunyiriri 1 okutuuka ku 6.

Awo oluvannyuma n'antwala eri omulyango, omulyango ogwo ogutunuulira obuvanjuba:

Kale, laba, ekitiibwa kya...Katonda wa Isiraeri nga kijja nga kiva mu kkubo ery'ebuvanjuba: n'eddoboozi lye lyali ng'okuwuuma kw'amazzi amangi: ensi n'emasa masasa olw'ekitiibwa kye.

Era kyali ng'embala ey'okwolesebwa kwe nnalaba, ng'okwolesebwa kwe nnalaba bwe nnajja okuzikiriza ekibuga: era okwolesebwa kwali ng'okwolesebwa kwe nnalaba ku lubalama lw'omugga Kebali: awo ne nnuunama amaaso gange.

Awo ekitiibwa kya MUKAMA-ekitiibwa kya MUKAMA ne kiyingira mu nnyumba nga kifuluma mu kkubo ery'omulyango ogutunuulira obuvanjuba.

Omwoyo ne gunsitula ne gundeeta mu luggyaa olw'omunda; kale, laba, ekitiibwa kya Mukama ne kijjula ennyumba.

Awo ne mpulira ayogera nange ng'ayima mu nnyumba; omusajja n'ayimirira ku mabbali gange.

71 Okufukibwako kw'amatuta, okufukibwako kw'amatuta ku Yeekaalu olw'obwakabaka bw'Obufuzi Obw'emyaka Olukumi. Kati mugenderere mu Ebyabaleevi. Kati mulabe bwe yawongebwayo mu Ebyabaleevi. Kaakati, bwe tuddayo mu Ebyabaleevi, tukizuula nti Musa yafuka amatuta ku yeekaalu. Ka tuddeyo awo nga bwe tukiriko. Obwo bwe budde bwe tulina. Era ka tuddeko mu Ebyabaleevi era tuzuule ddi Musa Iwe yafuka amatuta ku yeekaalu, Ebyabaleevi essuula 8.

Oh, njagala bwagazi nnyo okugeraageranya Ebyawandiikibwa ku Byawandiikibwa. Temukyagala nnammwe? [Ekibiina kiddamu nti, "Amiina." -Omuk.] Era awo muba mulina e-ekifaananyi ky'ekyo-eky'ekyo kye tunoonya na kiki kye tukola. Kaakati, omuntu yenna mu mmwe akiraba nti emirundi gyonna tubaddenga tukozesa Kyawandiikibwa, emirundi gyonna, ku kyo.

72 Kaakati, essuula eyo 8 ey'omu Ebyabaleevi, era nnakirambye wano, ku lunyiriri olwe 10. Mwetegereze Ebyabaleevi 8:10. Ka tulabe.

Musa n'addiraa amatuta ag'okufukako, n'agafuka ku weema ne ku byonna ebyagirimu, n'abitukuza.

Era...n'amansirako ku kyoto emirundi musanvu,... n'afuka ku kyoto n'ebintu byakyo byonna, n'eky'okunaabirangamu n'entobo yaakyo, okubitukuza.

N'afuka ku mafuta ag'okufukako ku mutwe gwa Aloonii, n'amufukako amatuta, okumutukuza.

Musa, mu ddungu, ng'atukuza, oba ng'afuka amatuta ku weema y'okusinzizaamu, ku lw'abaana ba Isiraeri bwe baali mu lugendo lwabwe. Yafukibwako amatuta.

73 Kaakati, mu Ekyomumirembe Eky'okubiri, ka tubikkuleyo, era tujja kulaba okuwongayo okwo awo Omwoyo Omutukuvu Iwe Yatuula mu Ntebe Ye mu weema, era mulabe kiki ekyabaawo. Mu Ekyomumirembe Eky'okubiri essuula eyo 5, era tutandike n'olunyiriri olwe 13. Ekyomumirembe Eky'okubiri essuula eyo 5, era tutandike n'olunyiriri olwe 13.

Awo olwatuuka...abaafuuwa n'abayimbi nga baali...okuwuliza eddoboozi erimu nga batendereza nga beebaza MUKAMA, era bwe baayimusa eddoboozi lyabwe n'amakondeere n'ebitaasa n'ebintu ebivuga, ne batendereza MUKAMA, nga boogera nti Kubanga mulungi; kubanga okusaasira kwe kuberera emirembe gyonna: awo ennyumba n'eryoka ejjula ekire, ennyumba ya MUKAMA;

Bakabona n'okuyinza ne batayinza kuyimirira okuweereza olw'ekire: kubanga ekitiibwa kya MUKAMA kyajjula ennyumba ya Katonda.

Katonda Yajja awatukuvu awaali aw'okufukibwako amatuta era ne wamuweebwa Ye olw'abantu okujjanga okumusinza. N'olwekyo okufukako kw'amatuta si kwa ku "ekifo kyo ekitukuvu" naye okufuka amatuta ku "ekifo "ekisingayo Obutukuvu." Era tukiraba, nti, Yerusaalemi Ewiggya kye "kifo ekisingayo Obutukuvu." Era amatuta gajja kuba ku Yerusaalemi ekyo ekikka okuva eri Katonda mu Ggulu, nga

kitegekeddwa ng'omugole ayonjereddwa bba. Amafuta gajja kuba ku bo.

74 Kaakati, Zerubbaberi bwe yawongayo yeekaalu ye, oluvannyuma ng'emaze okuddibwamu okuzimbibwa, teyaddamu kufukibwako mafuta, kubanga yali emaze okufukibwako amafuta; era n'essuulibwa wansi, ate n'eddibwamu okuzimbibwa nate. Okuzikirizibwa okwali ku gizzeeko. Yali eddiddwamu okuzimbibwa era n'eyimusibwa, kale nno nga tewaali kugifikako mafuta nate. Bwe yali nga efukiddwako amafuta olwasooka, ekyo kyagitwaliriza okuyita mu biseera, era kigitwalira ddala okutuusa mu kaseera kano kennyini. Naye Katonda bw'Anaasitula Yeekaalu y'omu Bufuzi Obw'emyaka Olukumi, Ajja kufuka amafuta ku kisinga Obutukuvu; si "awatukuvu wo" naye "Awasinga okuba Awatukuvu."

Naye Kabaka bw'Alituula ku Ntebe Ye mu myaka Olukumi, (Ekitiibwa!) olwo kijja kuba nga kiwedde. Okufukibwako kw'amafuta ku awasinga Obutukuvu ky'ekintu ekija okusembayo okukolebwa.

75 Nga Yeekaalu ezimbiddwa; nga n'okuzuukira kuwedde; Abayudaaya nga bakomyewo; Kristo n'Omugole We nga bazze; Abayudaaya, bali emitwalo ekkumi n'ena mu enkumi nnya nga bassiddwaako envumbo; nga Obufuzi bw'Emyaka Olukumi nga butandise. Wajja kubaawo okufukibwako kw'amafuta okw'ekifo ekisingayo Obutukuvu; Awatukuvu, Awatukuvu w'Awatukuvu, era Awasinga okuba Awatukuvu. Ku olwo, nga ekifo ekisingayo okuba ekitukuvu we watukuvu Katonda we Yabeeranga, Wakati wa Bakerubi. Ate era, mu kiseera kino, Kristo Alituula mu kifo Ekisingayo Obutukuvu, ng'Aliko amafuta. Era tebajja kwetaaga musana eyo, kubanga Omwana gw'Endiga mu makkati g'Ekibuga y'Anaabeera Ekitangaala. Enjuba terigwa mu Kibuga ekyo, nga nnamukadde Uncle Jim bwe yateranga okwogera. Era terigwa, kubanga Kristo y'Anabeeranga Omusana Ogwo, Oyo eyafukibwako amafuta. Era Kabaka oyo Alijja n'Atuula mu Ntebe Ye okumala emyaka lukumi, ng' Afuga.

76 Yeremiya 3:12-18, nga nalwo olusomeddemu, ka tukisome. Tugende mu Yeremiya essuula eye 18, nzikiriza. Wewaawo. Nedda, essuula eye 12, munsonyiweko, Essuula eye 12 eya Yeremiya, era tutandikire ku -ku... Yeremiya 3, musonyiwe bannange. Yeremiya 3, nnawandiise wano, awo, bwe nnabaddle nga ndi mu kusoma, Omwoyo Omutukuvu ng'Anzigya wano n'Antwala na wali. Bino nnabiwandise wansi nga bwe nnasobodde. Yeremiya 3, awo nno ne 12 okutuuka ku 18, nga nalwo olutwaliddemu. Ka tukisome kati.

Genda olangire ebigambo bino ng'otunuulira obukiika obwa kkono, oyogere nti Komawo, ggwe Isiraeri eyaseeseetuka, bw'ayogera MUKAMA; era siibatunuulire n'obusungu: kubanga nnina okusaasira, bw'ayogera MUKAMA, siriguguba na busungu emirembe gyonna.

Kyokka kkiriza obutali butuukirivu bwo, nga wasobyaa Mukama Katonda wo, n'osaasaanyiza amakubo go abagenyi wansi wa buli muti omubisi,...

Ekyo kye baakola, okuva ebuvanjuba, ebugwanjuba, mu buli ggwanga. Mulaba?

...so temwagondera ddoboozi lyange, bw'ayogera MUKAMA.

"Mukomewo!" Muwulirize ku kino.

Mukomewo, mmwe abaana abadda ennyuma, bw'ayogera MUKAMA; kubanga nze ndi (b-b-a-m-m-w-e)...era ndi bbammwe:...

"Amaaso gaabwe gaazibwa, kubanga nawa Abaamawanga omukisa. Naye mmwe mukomeewo kubanga ndi bbammwe."

...era ndibatwala nga nzigayao omu ku kibuga n'ababiri ku kika,...

Si nti bona ebeeyita Abayudaaya baliyingira. Wabula ekibinja ekyo ekironde kye kiriyingirayo, abo ba Benyamini abajja wammanga eyo mu maaso ga Yusufu, ekibinja ekyo okuva mu buli ggwanga, omu ng'ava mu kibuga, n'omulala mu nnyumba.

...ne mbaleeta e Sayuuni:

era ndibawa abasumba ng'omutima gwange bwe guli abalibaliisa n'okumanya n'okutegeera.

Awo olilituuka bwe muliba nga mwaze era nge mweyongedde mu nsi, kale mu biro ebyo, bw'ayogera MUKAMA, baliba nga tebakyayogera nti Essanduuko ey'endagaano ya MUKAMA; so teriyingira mu mwoyo gwabwe; so tebaligijjukira; so tebaligikyalira; so tebalikola nate bwe batyo.

Mu biro ebyo baliyita Yerusaalemi entebe ya MUKAMA; (Kubanga Aliba Atuude omwo, mukiraba), n'amawanga gonna galikunjaanyizibwa eyo (Aleeruuya), eri erinnya lya MUKAMA e Yerusaalemi: so tebalitambula nate ng'obukakanyavu bw'omutima gwabwe omubi bwe buli.

77 Awo Ekibuga ekyo Iwe kirifukibwako amafuta. Awo Yerusaalemi Ewiggya Iwe kirifukibwako Amafuta. N'amawanga gonnna ag'Ekibuga...Erudda wano mu Kubikkulirwa essuula eya 22, kyayogerwa nti emiryango tegiriggalwa ekiro, kubanga tewalibaayo kiro eyo. Era bakabaka b'ensi bona bajja kuleeta ettendo n'ekitiibwa kyabwe mu Kibuga kino. Ebisenge byakyo bijja kuba bya yasepi n'amayinja ga sadio, era ebika by'amayinja kkumi na bibiri; era emiryango gyakyo ekkumi n'ebiri, gjija kuba gya luulu, buli mulyango luulu nnamba. Tewajja kwetaagisaayo misubbaawa eyo. Tewabeereyo musana nate, kubanga Omwana gw'Endiga Ali mu makkati g'Ekibuga ekyo y'Aliba Ekitangaala. Era Alikulembera abantu Be okuyingira mu Bulamu obw'Olubeerera. Walibaayo emitibiri, nga waliyo gumu eruuyi n'eruuyi ku mbalama z'omugga era gye giriba egy'okuwonyezebwa kw'amawanga. Ekyo kye kiriba Ekitukuvu ekirija, Ekibuga Ekitukuvu nga kikka kiva eri Katonda mu Ggulu, nga kikka ku nsi.

78 Ka tulabe kaakano ekinabaawo mu kiseera ekyo. Oh, mukyagadde?

[Ekibiina kiddamu nti, "Amiina." -Omuk.] Ka tuddeko mu Isaaya 65, akaseera katono. Kisusse obulungi okukibuuka. Kisukkiridde obulungi okukiyitako. Osanga okwokya kw'obudde kususse, naye ka tweyongereyo.

Isaaya 65, muwulirize kiki ekigenda okubaawo mu kiseera ekyo. Era weebuuze, mukwano gwange omwonoonyi, bw'oba nga-bw'oba nga oyinza okusubwa ekintu kino. Isaaya 65, ka tutandikire ku lunyiriri olwa 17. Muwulirize, mwenna, nga mutaddeyo omwoyo. Kino kijja kuba mu kiseera ky'Obufuzi bw'Emyaka Olukumi, nga ekisingayo Obutukuvu kifukiddwako amafuta.

Kubanga, laba, ntonda eggulu eriggya... n'ensi empya: so ebintu ebyasooka tebirijjukirwa so tebiriyyingira mu mwoyo.

Naye mu...musanyuke mujagulize ennaku zonna ekyo kye ntonda: kubanga, laba, ntonda Yerusaalemi...ntonda Yerusaalemi (Ekyo kye Yerusaalemi ewiggya) okuba okusanyuka, n'abantu baamu okuba essanyu.

Okufukibwako kw'amafuta ki? Essanyu lya Mukama.

...ntonda Yerusaalemi okuba okusanyuka, n'abantu baamu okuba essanyu. Era ndisanyukira mu Yerusaalemi,...

Kabaka mu Ntebe y'Obwakabaka, mu kitibwa ky'Obulangira mu Ntebe ey'Obwakabaka, Entebe y'Obwakabaka Etaggwaa wo, wamu n'abantu abataggwaawo nga balina essanyu Eritaggwaawo mu Kibuga Ekitaggwaawo! Oh, abange!

Era ndisanyukira Yerusaalemi ne njaguliza abantu bange: so n'eddoboozi ery'okukaaba nga terikyawulirwa omwo nate newakubadde eddoboozi ery'okulira.

Temukyavangamu mwana amala ennaku obunaku, newakubadde omukadde atannatuusa nnaku ze: kubanga omwana alifa nga yaakamaze emyaka kikumi, n'alina ebibi nga yaakamaze emyaka kikumi alikolimirwa.

Era balizimba ennyumba ne basulamu;... era balisimba ensuku ez'emizabbibu ne balya ebibala byamu.

Tebalizimba omulala n'asulamu;(kwe kugamba nti ggwe n'ofa mutabani wo n'atwala ekifo kyo)...Okuzimba, omulala n'asulamu; tebalisimba omulala n'alya: kubanga ng'ennaku ez'omuti bwe ziba, bwe zityo bwe ziriba ennaku ez'abantu bange, n'abalonde bange balirwawo nga balya omulimu ogw'engalo zaabwe.

Tebalikolera bwereere mirimu so tebalizaala ba kulaba nnaku; kubanga lye zzadde ly'abo abaweebwa MUKAMA omukisa, n'abaana b'enda yaabwe wamu nabo.

Awo olulituuka,...nga tebannaba kuyita ndiyitaba;...(Okufukibwako kw'amafuta okw'ekitalo okwo, emabega awali Bakerubi!) ndiyitaba; era nga bakyayogera ndiwulira.

Omusege n'omwana gw'endiga binaaliiranga wamu,...n'empologoma eneeryanga omuddo ng'ente: n'enfuufu ye eneebanga emmere ey'omusota. Tebiriruma so tebirizikiririza ku lusozi lwange lwonna olutukuvu, bw'ayogera MUKAMA. (Oyinza okusubwa Ekintu ekyo? Nedda!)

79 Muddeyo mangu wano nate, nga Isaaya ayogera nate, mu ssuula eye 11, olunyiriri 1 okutuuka ku lwo 9. Muwulirize kiki ky'ayogera wano nate, bw'afuna okwolesewa, oluvannyuma ng'alabye abakazi, engeri gye baliba beeyisaamu mu nnaku ez'oluvannyuma...Kale Isaaya 11, olusooka.

Era mu kikolo kya Yese muliva ensibuka, n'Ettabi Liriva mu mirandira gye: (Oyo Yali Ani? Kristo.) ettabi liriva mu mirandira gye:

N'omwoyo gwa MUKAMA gulibeera ku ye, omwoyo ogw'amagezi n'okutegeera, omwoyo

ogw'okuteesa n'amaanyi, omwoyo ogw'okumanya n'okutya MUKAMA;

Era aliweebwa obwangu mu kutegeera engeri y'okutya MUKAMA : so taasalenga misango ng'okulaba kw'amaaso ge bwe kunaabanga, so taanenyenga ng'okuwlira kw'amatu ge bwe kunaabanga:

Naye anaasaliranga omwavu emisango gya nsonga, era anaanenyanga n'obutuukirivu olw'abawombeefu abali ku nsi: era alikuba ensi n'omuggo ogw'omu kamwa ke, era alitta omubi n'omukka ogw'omu mimwa gye.

N'omutuukirivu alyesiba olukoba mu kiwato kye, n'omwesigwa alyesiba olukoba Iw'omu mugongo gwe.

N'omusege gunaasulanga wamu n'omwana gw'endiga, n'engo eneegalimiranga wamu n'omwana gw'embuzi;(eyo nga y'embuzi ento) n'ennyana n'omwana gw'empologoma n'ekya ssava wamu; n'omwana omuto alizikulembera.

...ente n'eddubu biririira...; abaana baazo baligalamira wamu: n'empologoma eriryia omuddo ng'ente.

N'omwana ayonka alizannyira ku kinnya eky'enswera, n'omwana eyaakava ku mabeere aliteeka omukono gwe ku mpampagama y'essalambwa.

Tebalirumwa newakubadde okuzikiriza ku lusozi lwange olutukuvu lwonna: kubanga ensi erijjula okumanya Mukama,... ng'amazzi bwe gasaanikira ennyanja.

Hum! Ebyo biriba mu Yerusaalemi ekiggya. Ekyo "ekiggya." Ettabi, wano lye lyogerwako, okuba Ettabi lya Dawudi. Ye ye byombi Ettabi n'ezzadde."

80 Kale nno, oluvannyuma Iwa bino, Omugole alabisibwa mu Kubikkulirwa essuula eye 19, olunyiriri 1 n'olwe 16. Ajja ne Bba, Kabaka ow'amaanyi. Oh, Abange! Simanyi oba tunaakifuna kyonna oba nedda. Nkifunye bwentyo...

Kale, ka tusome ekitundu kya kino, mu ngeri yonna. Waawano Omugole w'Ajjira, oluvannyuma Iwa kino. Mulaba? Oluvannyuma ng'Obufuzi Bw'Emyaka Olukumi nga buzze, Olwo nga Kristo Akomawo N'Omugole. Butereevu, Olunyiriri 1 okutuuka ku 16, ne mu ssuula eye 19.

Oluvannyuma Iw'ebintu bino...

Oluvannyuma Iw'ekibonyobonyo kino eky'amaanyi; oluvannyuma Iw'Ebiwoobe; oluvannyuma Iw'Envumbo; oluvannyuma Iwa Kawumpuli; oluvannyuma Iw'okugobwa kwa Setaani; oluvannyuma Iw'okuteekateeka Obufuzi bw'Emyaka Olukumi. Mugenderere!

...oluvannyuma Iw'ebyo ne mpulira ng'eddoboozi... eddene ery'ekibiina ekinene mu ggulu, nga boogera nti Aleruuya; Obulokovu, n'ekitiibwa,...n'obuyinza bye bya Mukama Katonda waffe:

Kubanga emisango gye gya mazima era gya nsonga; kubanga asalidde omusango omwenzi omukulu, eyayonoona ensi n'obwenzi bwe, era awooledde eggwanga ly'omusaayi gw'abaddu be mu mukono gw'oyo.

Omulundi ogw'okubiri ye...bo...ne boogera nti Aleruuya. N'omukka gwe ne gunyooka emirembe n'emirembe.

Eyo nga y'ekkanisa ennyenzi ey'edda, "omukka gwaayo gunyookera waggulu."

N'abakadde amakumi abiri mu bana n'ebiram u ebina ne bavuunama ne basinza Katonda atuula ku ntebe, nga boogera nti Amiina; Aleruuya.

N'eddoboozi ne liva mu ntebe, nga lyogera nti Mutendereze Katonda waffe-Mutendereze Katonda waffe, mmwe mmwenna abaddu be, mmwenna abamutya, abato n'abakulu.

Ne mpulira ng'eddoboozi ly'ekibiina ekinene,...

Mulwulirize! Kiikino wano gye muli, Ekkansa. Oluvannyuma Iw'okusitulibwa Kwayo mu ssuula eyo 3. wuuno ate ajja. Mulaba? Era kati Olunyiriri olwo 6.

Ne mpulira ng'eddoboozi ly'ekibiina ekinene era ng'eddoboozi ly'amazzi amangi, era ng'eddoboozi ly'okubwatuka okw'amaanyi, nga byogera nti Aleruuya: kubanga Mukama Katonda waffe Omuyinza w'ebintu byonna Afuga.

Aleruuya! Mwekkenneenye! Embaga y'Omwana gw'Endiga ejja mu kiseera ekyo. Wuuno Ajja.

Tusanyuke, tujaguze, tumuwe ekitiibwa ye: kubanga obugole bw'Omwana gw'endiga butuuse, ne mukazi we yeeteeseteese.(Wuuyo awo nga azze, bombi, Omugole Omukazi n'Omugole Omusajja.)

N'aweebwa okwambala bafuta entukuvu ennungi: kubanga bafuta eno by'ebikolwa eby'obutuukirivu eby'abatukuvu.

N'aŋŋamba nti, Wandiika nti Baweedwa omukisa abayitibwa ku mbaga ey'obugole bw'Omwana gw'endiga. N'aŋŋamba nti Ebyo bye... bigambo eby'amazima ebya Katonda.

Ne nvunnamu mu maaso g'ebigere bye okumusinza. N'aŋŋamba nti Laba tokola bw'otyo: Ndi muddu munno era ow'omu baganda bo abalina okutegeeza kwa Yesu: sinza Katonda: kubanga okutegeeza kwa (Okwa Kristo) Yesu gwe mwoyo gw'obunnabbi.

Era Ne ndaba eggulu nga libikkuse; era,... laba, embalaasi enjeru...(Oh, Owange!)...n'eyali agituddeko, ayitibwa mwesigwa era ow'amazima; ne mu butuukirivu asala emisango era alwana.

Era amaaso ge gwe muliro ogwaka, ne...ku mutwe gwe engule nnyingi;...

Era Yatikkirwa kuba Ani? "Kabaka wa bakabaka."

...era ng'alina erinnya eriwandiikidwa, omuntu yenna ly'atamanyi wabula...ye yekka.

Era ng'ayambadde ekyambalo ekyeru ekyamansirwako omusaayi: n'erinnya lye ne liyitibwa Kigambo kya Katonda.

"Ku lubereberye waaliwo Kigambo, era Kigambo n'Aba Katonda. Era Kigambo n'Afuuka omubiri n'Abeera gye tuli." Yali Ani Oyo? Yesu.

...n'erinnya lye ne liyitibwa Kigambo kya Katonda.

N'eggye ery'omu ggulu ne limugoberera ku mbalaasi enjeru, nga bambadde bafuta enjeru ennungi. (Ekitiibwa! Wuuyo ng'Ajja.)

Era mu kamwa Ke ne muvaamu ekitala eky'obwogi ateme amawanga nakyo: era alibafuga n'omuggo ogw'ekyuma: era alinnya essogolero ly'omwenge gw'obusungu bw'obukambwe bwa Katonda Omuyinza w'ebintu byonna.

Era Alina ku kyambalo Kye ne ku kisambi Kye erinnya eriwandiikiddwa nti KABAKA WA BAKABAKA, ERA MUKAMA W'ABAAMI.

81 Kyali kiki kyo? Abantu Be baali baakamutikkira okuba Kabaka wa bakabaka era Mukama wa bakama. Nga Akomawo eri Yeekaalu Ye Entukuvu, nga Afukiddwaako Amafuta g'Okubeerawo kwa Katonda, oKubeera n'okufuga awamu n'Ekkanisa Ye mu Bufuzi obw'Emyaka Olukumi. Amiina!. Okulabisibwa, ne Kabaka Ow'amaanyi, okutuula mu kifo Kye ku lusegere Iwe, Yeekaalu empya ey'obulangira efukiddwako amafuta.

Kati awo nga ebigendererwa omukaaga Eby'Okubikkulirwa Essuula 6:1 okutuuka ku Kubikkulirwa essuula 19:21, butuukirira. Muwulirize kati,

82 Nga mmaliriza. Envumbo Omusanvu, Amakondeere Omusanvu, Ebibya Omusanvu, Ebiwoobe Ebisatu, Omukazi mu njuba, Okusuulibwa kwa setaani ebweru, oba ogusota ogumyufu, bijja wakati w'ebiseera ebyo mu kiseera ky'ekibonyobonyo eky'amaanyi. Temukyerabira ekyo. Ebintu bino byonna bibeerawo mu kiseera kino.

Naye biibino ebigendererwa omukaaga eby'Okuja Kwe. Mukikkiriza? [Ekibiina kiddamu nti, "Amiina." - Omuk.] Nga ekiseera Ekirungi okukamala kirindiridde abo abaagala Mukama! Nkutegeeza mukwano gwange, tetusobola kwetantala kusubwa kintu ekyo. Tokisubwa, ne bw'oba okolaki. Beera mukakafu!

83 Kati Ssande ejja, Mukama nga Ayagadde, Njagala okubanjulira, bw'Anaaba Annyambye, okubalaga butereevu wa buli lunaku olw'omu nnaku ezo omusanvu, we zaatuukirira, nga ndeeta ekintu kino ky'ekimu ky'enkoze olwa leero, nteeke ebiseera ebyo omusanvu, wiiki omusanvu, wiiki ensanvu butereevu mu kifo ky'awatukuvu w'Abayudaaya, era ndagire ddala wa wennyini we tuli wano ku nkomerero, Mukama Ng'Ayagadde.

84 Mumwagala? [Ekibiina kiddamu nti, "Amiina." - Omuk.] Muyinza okuleka ekintu kyonna okubasubya Eggulu? [Nedda.] Tuli mu kiseera eky'enkomero! Akomawo kukola ki? Ekisooka ekinaabeerawo, nga Yesu Tannakomawo ku nsi, kiki ekinaasooka? Ekkanisa ejja kuba (etya?) Kukwakkulibwa! Yesu Anaakomawo wano ku nsi n'Atambulatambula ku ntaana, n'Akwata taata ne maama mu ngalo, n'Ayogera naffe ffenna wano, tulyoke tugende waggulu? Nedda! Kiriba kitya? Tu...Twogera kino gye muli, olwa-

olw'Ekigambo kya Mukama, "Nti ffe abalamu abalisigalawo..." Basessalonika Eky'okubiri, Essuula eyo 5, "Ffe abalamu era abalisigalawo okutuusa ku kujja kwa Mukama waffe, tetulikaluubiriza newankubadde okuziyiza aboabeebas. Kubanga ekkondeere Iya Katonda lirivuga; n'abo abaafira mu Kristo be balisooka okuzuukira: naffe abalamu era abalisigalawo ne tulyoka tutwalibwa wamu nabo mu bire okusisinkana Mukama waffe mu bbanga." Tulisitulibwa mangu ago, mu kutemya n'okuzibula eriiso. Mu kiseera ekkyo, Omulembe gw'Ekkanya nga gukomoye.

Olwo ate, wano ku nsi Katonda atandike okukolagana n'Abayudaaya.

85 Walibaawo bannabbi babiri. Essuula eye 11, tujja kukiwanulayo ekkyo. Bannabbi babiri abafukiddwako amafuta, nga Eriya ne Musa, be ndowooza nti era bajja kuba abo. Abajja okuleeta ebikolimo eby'amaanyi, oluvannyuma nga balabye nti beegasse, era Rooma Amenye endagaano yaayo, omulangira oli. Mu makkati ga wiiki eyo ey'ensanvu, ejja kumenya endagaano ne Rooma, manyanga Rooma erimenya endagaano ne Isiraeri, era ekkyo kirireeta eky'omuzizo okutandika okusaasaana. Era walibaawo amataba ag'amaanyi, ng'Abamawanga abasigaddewo, embeerera eyeebasse...Ogusota, Rooma, guwandula amazzi okuva mu kamwa kaagwo, okulwanagana n'abalisigalawo ku zzadde ly'omukazi abo abakuuma ebiragiyo bya Katonda. Rooma ejja kukikola ekkyo.

86 Ekibiina ekikuunjaanyirizza awamu amakanisa kiribagatta bona wamu, ne kireeta n'Abayudaaya mu kwegatta kw'amakanisa kuno, ne kibakomyawo mu kusinza kw'omu yeekaalu yaabwe, mu BW'ATI BW'AYOGERA MUKAMA okuva mu Baibuli, era baliba n'ekkanisa yaabwe bo. [Ow'oluganda Branham yakonkona ku kituuti emirundi egiwerako-Omuk.]

Kiki kye Bali kati? Ekkyo nnaakakifuna katikati. Kipy. Kati bali eggwanga, ettongole. Kituufu ekkyo? [Ekibiina kiddamu nti, "Amiina." -Omuk.] Naye tebannafuna kusinza kwabwe okw'omu yeekaalu. Era bwe banaakuteekawo, Ekkanya ejja kuba nga yagenda dda. Katonda Ajja kuba akolagana na Bayudaaya nga eggwanga. Era bwe banaayingizibwa mu kweggatta kuno, Rooma ejja kugimunya mu makkati g'omwaka ogw'ensanvu, emyaka esatu n'ekitundu, emenye endagaano eyo nabo, eleetere eky'omuzizo ekizikiriza okusaasaana okutuusa ku nkomerero ya byonna. Olwo eriyigganya Abapolotesitante, n'Abayudaaya. Mu kiseera ekkyo, bannabbi bano ababiri balisituka ne bakolimira ensi, nti terifuna nkuba mu nnaku z'obunnabbi bwabwe. Era baliyita omuliro okuva mu ggulu, wamu n'ebirala. Ggwe linda bulinzi. Tulina bingi ebirindiridde wano, ebitulindiridde ffe, okuyiga. [Ow'oluganda Branham yakonkona ku kituuti emirundi esatu-Omuk.]

87 Oh, nga Ye Katonda Ow'ekitalo ennyo! Nga ye Kitaffe Ajjudde okusaasira! Mikwano gyange, ka mbabuulire kino, ng'omusumba wammwe. Temulaba na miganyulo gye mweyagaliram. Temukiraba. Waliwo abasajja ab'amaanyi, waliwo abatukuvu bangi, waliwo enkumi z'abasajja abatukuvu abaafa mu myaka egiyise, nga baalina Omwoyo era abandyagaddde okulaba olunaku luno mmwe lwe mulimu. Kale mmwe nange ka tulugyemu omuganyulo.

Kiki ekirala kye tuyinza okussaako omwoyo? Tuyinza kukola ki oluvannyuma lwa bino? Tugenda wa? Kiki ekigenda okubaawo? Tulina okubaako gye tugenda. Temusobola kusigala wano olubeerera. Oyinza okusaawa omuddo gwo; wiiki eddako nga gwetaaga okuddamu okusaayibwa; wewaawo, emirundi ebiri, nga n'ekiseera ekkyo tekinnatuuka. Oyinza okukuza abaana bo. N'obawa ekyeggulo, ate ku ky'ekiro nga enjala yabalumye dda. N'obawa eby'okulya ku ky'eggulo; nga enjala ebaluma enkeera ku makya. N'obagulira engatto; bwe baba nga balinga abange, mu myezi ebiri oboolyawo esatu nga obagulira engatto endala. N'obagulira engoye omwezi guno; mu mwezi gumu oba ebiri nga ogula engoye endala empya. Mulaba? Tewaliwo kijja kuberera. Tewali kitebenkedde. Tewaliwo kintu kya nkalakkira.

Teweegomba bya buggagga

obw'ensi eno ebitaliimu nsa,

Ebisseebengerera mu bwangu,

Teeka essuubi lyo ku bintu

eby'Omua Butaggwaawo,

Tebirriggwaawo!

Ebiseera nga bikyukakyuka mu bwangu,

Tewali kinaayimirira ku nsi ku

ebyo ebitannaba kuseeseetuka,

Teeka essuubi lyo ku bintu

eby'Omua Butaggwaawo,

Weekwate ku Mukono gwa

Katonda Atajjulukuka!

Weekwate ku Mukono gwa

Katonda Atajjulukuka!

Weekwate ku Mukono gwa

Katonda Atajjulukuka!

Teeka essuubi lyo ku bintu

eby'Omua Butaggwaawo,

Weekwate ku Mukono gwa

Katonda Atajjulukuka!

Muwulirize!

Ng'olugendo Iwaffe Luwedde,

(Ajja kutumanyisa ddi lwe lunnaggwa.)

Nga tubadde beesigwa eri

Katonda,

Amaka amalungi ag'ekitalo

mu Kitiibwa, (Ekibuga ekyo Ekyafukibwako Amafuta)

Mmeeme zaffe ezimaze okukwakkulibwa ziriraba!

Weekwate ku Mukono gwa

Katonda Atajjulukuka!

Weekwate ku Mukono gwa

Katonda Atajjulukuka!

Teeka essuubi lyo ku bintu

eby'Omua Butaggwaawo,

Weekwate ku Mukono gwa

Katonda Atajjulukuka!

Teweegomba eby'obuggagga obw'ensi eno ebitaliimu nsa,

Ebiseebengerera mu bwangu,

Teeka essuubi lyo ku bintu

eby'Omua Butaggwaawo,

Tebiriggwaawo!

Weekwate ku Mukono gwa

Katonda Atajjulukuka!

Weekwate ku Mukono gwa

Katonda Atajjulukuka!

Teeka essuubi lyo ku bintu

eby'Omua Butaggwaawo,

Weekwate ku Mukono gwa

Katonda Atajjulukuka!

Nga bwe tukoteka emitwe gyaffe. Bw'oba nga teweekwatanga ku Mukono Gwe, Tojje n'okikola kati.

Weekwate ku Mukono gwa Katonda Atajjulukuka!

Teeka essuubi lyo ku bintu

eby'Omukyala Butaggwaawo,

Weekwate ku Mukono gwa

Katonda Atajjulukuka!

88 Omuwala omuto, Oli mubalagavu kaakano. Enviiri zo zirabika bulungi, amatama go galeeta akamwenyumwenyu ak'ekitalo. Naye Okimanyi nti, lugenda kuba lwa nkya, nga gaasiwuuse dda. Tumanyi tutya nti wiiki ejja ebiwuka binaaba tebirriira, mu ttaka, amatama ago agakulabisa obulungi?

Muganda wange omulenzi omuto, naawe oli w'amaanyi, omunene, ow'ekiwago, ow'ebinywa eby'amaanyi; Osuubidde bingi eyo mu maaso. Naye ate oluvannyuma lw'akaseera akatono, olw'enkyia, ng'enviiri zo ezo

ez'amayengo, zija kukutuka, era z'onooba osigazza zifuuke envi. Ebibegabega byo ebigulumivu bijja kukka, era ebiwuka bitandike okulya mu mikono ne mu mubiri. Bikuzzeeyo, mu nfuufu.

N'olwekyo teeka essuubi lyo

mu bintu eby'omukyala

Butaggwaawo

Tebirriggwaawo!

Weekwate ku Mukono gwa

Katonda Atajjulukuka!

Weekwate ku Mukono gwa

Katonda ...

Njagala okununkirize weekwate

ku Mukono Gwe kati.

Teeka essuubi lyo ku bintu

eby'Omukyala Butaggwaawo,

Weekwate ku Mukono gwa

Katonda Atajjulukuka!

Ng'olugendo lwo Luwedde,

(Kijja kuba kityo, olunaku olumu.)

Ng'obadde mwesigwa eri Katonda,

Amaka amalungi ag'ekitalo mu Kitiibwa,

Mmeeme yo ekwakkuliddwa mu ssanyu eriraba!

Lwaki teweekwata ku Mukono

gwa Katonda Atajjulukuka!

Weekwate ku Mukono gwa

Katonda Atajjulukuka!

Teeka essuubi lyo ku bintu

eby'Omukyala Butaggwaawo,

Weekwate ku Mukono gwa

Katonda Atajjulukuka!

89 Ndabye ebintu bingi, kumpi okumala emyaka ng'asatu mu gumu emabega w'ekituuti. Ndabye ku bintu eby'ennaku; ne ndaba ne ku by'ekitalo ennyo. Ekisingayo okunakuwaza kye nnali ndabye mu bulamu bwange...Newankubadde ndabye abaana abafa enjala mu nguudo; ne ndaba ne ba maama nga basabiriza okubawaayo akatundu k'akagaati. Ekikyasinzeeyo okunnakuwaza ku bye ndabye, kwe kulaba omusajja, omuntu, era eyandibadde omwana wa Katonda, ng'afa nga tamanyi Katonda.

90 Nzijukira omukazi nga ayimiride ku luggi ekiro ekimu, ku kkanisa wano, yanekerera. N'agamba nti, "Ssandirese ente yange kubeera n'enzikiriza nga ey'omusajja oyo gy'alina!" Mu kadde akatasukka ssaawa emu, baali bamaze okumpita njende mu ddwaliro. Omukazi alabika obulungi, nga wa myaka kumpi ng'abiri mu ebiri, yali aleekaana nti, "Muleete wano omubuulizi oyo! Yali wa nzikiriza ey'ekikatuliki.

Bwe nnatuukawo, Omusawo omukadde omukazi n'anjamba nti, "Okeereye nnyo Ow'oluganda Branham. Afudde eddakiika ttaano emabega."

Ne mmugamba nti, "Nsobola okumulabako?"

N'addamu nti, "Yaleekaanye nga akuyita, mu bigambo bye ebisembayo, 'Muleete omubuulizi oli, Ow'oluganda Branham!'"

Omwami we naye yali awo, nga aleekaana nti, "Musabireyo ku ssaala! Musabire!

Ne mmugamba nti, "Tekikyasoboka kiwedde." Namubikkulako katono. Yalina amaaso amanene aga kitaka. Omukazi alabika obulungi; ng'alina obubala obutono mu maaso ge; n'enviiri emmyukirivu; nga mubalagavu. Yali ayise mu bulumi okutuusa nga obubala bwafaanana ng'embalabe. Ate amaaso ge nga gasowoseeyo mu biwanga by'ago, bwe gatyo. Era, mazima, ebyenda bye n'ensigo ze byali byefuukudde, nga y'embeera...buli muntu, kale abasinga obungi bakola bwe batyo bwe baba nga bafa. N'ono yali awo, nga agalamidde mu mbeera bw'etyo, omumwa gwe nga gwasamye. Amaaso ge gaali gazibyeko ekitundu ky'emmuniye ekya kitaka. Sirikyerabira. Oluyimba olwo lwajja mu mutima gwange.

Tweegomba bya buggagga

ebi'ensi eno ebtaliiimu: obwannalulungi, okwepankira

mu bitiibwa.

91 Nnayimirira ku ludda lw'omusajja omu wano mu Port Fulton, ng'afa. Bampita ku buliri bwe. Nnasabako naye ku wolutaali olumu ekiro. Yateeka omukono gwe okwetooloola mukazi. Ne mmugamba nti, "Ggya omukono gwo ku mukazi oyo."

N'anjamba nti, "Nze mmukulembera kudda eri Katonda."

Ne mugamba nti, "Si nga omwetoolozzaako omukono gwo." Sikkiririza mu bintu ebifaanana bwe bityo. Yannyigira. N'afuluma mu bukambwe.

Nnagendayo gy'ali, oluvannyuma lw'akaseera, ng'afa. Yantunuulira mu maaso, naanjamba nti, Tonsabira, Ow'oluganda Bill. Nnabula dda. Nnagenda dda." N'agamba nti, "Byonna bye nnali nfunye, byanvaako dda."

92 Nnayimirira ebweru wano ku kasonda, akabanga katono okuva wano, n'omusajja omu eyampita olunaku olumu ku ludda lw'ekitanda kye ng'afa. Yanjamba nti, " Bulijjo mbaddenga njagala kino na kiri ne biri." N'agamba, "Naye ssaaweerezaako ku Mukama. Emirundi mingi nneebalamye okugenda ku wolutaali." N'agamba nti. "Ow'oluganda Branham, nsabira Katonda akkirize muwala wange ayimirire mu kituli ku lwange mu ebyo bye nkoze. Osanga anaabaako ky'akolera Katonda."

Ne mmugamba nti, "Ekyo tekisoboka, muganda wange. Ebyo bye wandibadde wakola byafa." Hum!

93 Nnayimirira n'omusajja omu, ne mmulaba nga alwanyisa amasetaanii okumala essaawa abiri mu nnya. Nga agamba nti amasetaanii gaali gayimiridde kumpi n'ekitanda kye nga geezinzeeko enjegere mu bulago bwago. N'ayogera nti, "Temugaleka kunkwata!" Nga bw'aleekaana; ne bamukwatira mu kitanda. Nga bw'ayogera nti, "Wuuyo ayimiridde awo. Temukiraba? Kinnondoola." Yali yeggyako dda Katonda, ekiseera kiwanvu. Yalina amaterekero g'emmere y'ebisolo amanene nga gajjudde, nga gajjudde enjaano, n'embalaasi ennungi ezidduka empaka. Omwaka gumu emabega yali yavuma Katonda butereevo; ng'akubye ne mukyala we olw'okugenda mu kujjaaniro okusaba. Mumanyi kiki ekyabaawo? Laddu yakuba amaterekero ge, n'etta n'embalaasi ze, n'eyokya n'emmere y'ebisolo bye yonna. Era omusajja oyo yafiira mu mbeera mbi nnyo ddala, ng'alwana okweggyako amasetaanii.

94 Kati ate mukwano gwange owedda (ekitiibwa!) nga ali awo, naye yatuuka ku nkomerero y'olugendo lwe. Ne mmubuuza nti, "Taata, ogenda?"

N'anjamba nti, "Kye kino, Billy."

Ne mmubuuza nti, "Kiri kitya?"

N'aŋjamba nti, "Byonna biri bulungi." n'ayogera nti, " Ndeetera abaana bange ku mabbali g'ekitanda." N'ateeka emikono gye egypt obukadde era eminatu ku baana be bona n'abasabira omukisa. N'agamba abaana be ababiri abalenzi, nti, " Mumpanirire emikono gyange, mugiwanike, nga Yoswa ne Kalebu bwe baakola." Ne nneewuunya kye yali agenda okwogera. N'agamba nti:

Lunaku lwa ssanyu,

Iunaku lwa ssanyu

Okuva Yesu Iwe Yannaazaako

ebibi!

Yanjigiriza okulindirira

n'okusaba,

N'okubeera mu ssanyu bulijjo.

Tulina okutuuka ku bintu ebyo olumu, abemikwano! Teri muntu yenna atayagala kulya bulungi, okuvuga emmotoka ennungi, n'okuba n'ebirungi ebisingayo mu bulamu bwaffe. Simunenya. Ebyo birungi. Katonda Ayagala mube nabyo.

Naye, teweegomba

eby'obugagga obw'ensi

eno ebtaliiimu nsa

Ebisseebengerera mu bwangu,

Teeka essuubi lyo ku bintu

eby'Omuk Butaggwaawo,

Tebiriggwaawo!

Ka tuwanike emikono gyaffe

nga bwe tuyimba

Weekwate ku Mukono gwa

Katonda Atajjulukuka!

Weekwate ku Mukono gwa

Katonda Atajjulukuka!

Teeka essuubi lyo ku bintu

eby'Omuk Butaggwaawo,

Weekwate ku Mukono gwa

Katonda Atajjulukuka!

95 Nga tuyimirira, ka tukyuke tulamusagane gwe ne n'omulala. Tugenda kweyongerayo, n'olukunjaana, akaseera katono. Naye njagala mukyuke nga bwe tuyimba ekitundu ekirala eky'oluyimba olwo.

Weekwate ku Mukono gwa

Katonda Atajjulukuka!

Kikole ekyo gwe taata!

Kikole, taata! Eri Katonda!

Kikole, gwe omutiini!

Kikole ow'oluganda!

Kikole muganda wange!

Teeka essuubi lyo ku bintu

eby'Omuk Butaggwaawo,

Weekwate ku Mukono gwa

Katonda Atajjulukuka!

96 Temuli basanyufu ku Lulwe? Mugambe nti, "Amiina!" [Ekibiina kiddamu nti, "Amiina!" -Omuk.] Mwenna abamwagala, mugambe nti, "Mukama Yeebazibwe!"] Mmwenna abakkiriza nti mugenda mu Kibuga ek'ensonda ennya, muwanike emikono gyammwe.(Kyekwateko, okumala akaseera katono, n'oluyimba lwo)

Njenda mu Kibuga ekirungi,

(olwo baluyimba batya kati?)

Mukama ky'Ategekedde

abalonde Be

Eyo Abanunule ab'omu mirembe gyonna

Bayimba "Ekitiibwa!" gyali nga betoolodde Entebe Enjeru,

Olumu njoya okugenda eka mu Ggulu,

Ndabe ekitiibwa ky'ebirungi ebiriyo.

Nga ndiba n'essanyu lingi,

Ng'Omulokozi wange mmulabyeko,

Mu Kibuga ekyo ekirungi ekya Zaabu!

Ekyo temukyagala? [Ekibiina kiddamu nti, "Amiina." -Omuk.]

Njenda mu Kibuga ekirungi,

Mukama wange ky'Ategekedde abalonde Be;

Awo Abanunule ab'omu mirembe gyonna

Bayimba "Ekitiibwa!" gy'Ali nga betoolodde Entebe Enjeru,

Oh, olumu njoya okugenda eka

mu Ggulu,

Ndabe ekitiibwa ky'ebirungi

ebiriyo.

Nga ndiba n'essanyu lingi

Ng'Omulokozi wange

mmulabyeko,

Mu Kibuga ekyo ekirungi ekya

Zaabu!

Mumwagala? [Ekibiina kiddamu nti, "Amiina." -Omuk.]

Twala Erinnya Iya Yesu,

Gwe omwana alina ennaku n'okunyolwa;

Lijja kukuwa essanyu n'okubeesabeeesebwa,

Litwale buli w'olaga.

Erinnya ery'omuwendo

(Erinnya ery'omuwendo),

Oh nga ddungi!(Oh nga ddungi!)

Ssuubi ly'ensi n'Essanyu
 ly'Eggulu;
 Erinnya ery'omuwendo
 (Erinnya ery'omuwendo),
 Oh nga ddungi!
 Ssuubi ly'ensi n'Essanyu ly'Eggulu.

Kaakati, temwerabira Ssande ejja ku makya, essaawa ssatu n'ekitundu. Ate olwo tujja kugezaako, okumalira mu budde, Mukama bw'Aliba Ayagadde, tulyoke tubeere n'okusabira abalwadde, Ssande ejja kumakya ku ssaawa ssatu n'ekitundu.

Eri Erinnya lya Yesu tulivvunnama,
 Nga tufukamidde ku Bigere Bye,
 Era tulimutikkira engule ya Kabaka wa bakabaka mu Ggulu,
 Ng'olugendo Iwaffe lukomye.
 Erinnya ery'omuwendo (Erinnya ery'omuwendo), Oh nga ddungi!
 (Oh nga ddungi!)

Ssuubi ly'ensi n'Essanyu ly'Eggulu;
 Erinnya ery'omuwendo (Erinnya ery'omuwendo), Oh nga ddungi!
 Ssuubi ly'ensi n'Essanyu ly'Eggulu.

Muwulirize ekitundu ky'oluyimba kino:
 Eri Erinnya lya Yesu tulivvunnamira,
 Oyo engabo eri buli mutego gw'omubi;
 Ebikemo bwe bikuzinda,
 Yasanguza Erinnya eryo eritukuvu
 mu kusaba. (Ekyo kijja kukikukolera!)
 Erinnya ery'omuwendo (Erinnya ery'omuwendo), Oh nga ddungi!
 (Oh nga ddungi!)

Ssuubi ly'ensi n'Essanyu ly'Eggulu;
 Erinnya ery'omuwendo (Erinnya ery'omuwendo), Oh nga ddungi!
 Ssuubi ly'ensi n'Essanyu ly'Eggulu.

Kati nzizaayo olukunjaana eri Omusumba, Ow'oluganda Neville, Abeeko ebigambo by'abawa nga abasiibula, kyonna ky'ayagala okwogera.



www.messagehub.info

Byabuulirwa
William Marrion Branham
 "...mu nnaku z'eddoboozi..." Kub. 10:7